

借永泰和玉氏所藏手

鈔本自付勇

通州

小東山草堂日記
永泰和張泰
著

已身上原錄

自堡

十九日同^總工動至十三僅謁見鄒觀察大雨自已至戌
梁夫擇地置足亥刻始回浦廓

二十日

廿一日

廿二日

廿三日

廿四日來用廓


廿五日回浦廓

廿六日辰刻渡河至王營迎謁蔣相國新奉兩江^朱軍日口口命

也乘車至鹽河逢堤相左隨至王營節館投謁未見申刻與黃馬

之制

汎



二通守陳敬亭大尹偕渡河回浦

廿七日謁賀蔣相國是日接印也

廿八日戌刻芸石舅氏自家中來予延之出來管理總席也相見甚歡不晤七載矣劇談至漏四下始就枕隨從帶貞益池升來又楊君永洋販米為業家逋負四百金同來坐索高堂命之只可籌貲歸謬臺之築殊難為計耳

廿九日送前任制府琦侯南其卸篆後奉浙省審案之口口口命也三十日蔣相國傳見與安大尹同謁面諭來日間收呈詞數語而退六月初一日辰刻至制館收呈六紙是日謁見芸閣副師少話而出

初二日

中之楚

之去

慶
泐

04500

初三日辰刻至制銷收呈七紙隨謁見鄒觀察

初四日辰刻謁芸帥未見隨至內幕見陳周施祝諸君小坐而回

初五日

初六日僉從等合唱贊買唱兩聲相扶擲彈一日以是日為予姑生日也
湯餅犒筵亦費主君數緡矣是日子刻動身來泐卯刻至廡

初七日晚回浦

初八日收呈是日以三百金還楊永泮回溫州

十三日收呈

十八日收呈

廿三日收呈

疑○頭

第○卷○議○序

廿六日蔣相國自浦動身回江寧各官皆送於米市馬○予買舟送
至淮城投謁而歸

廿七日謁鄒道憲久話為外北一篆也

七月初一日在工次

初四日回浦

初十日自浦至工次查水溝浪窩

十五日回浦

十九日作書與鄭同年十餘言將藉其力以求邵伯埭一篆書

碑也竭力致之

廿一日聞海道將臨自浦往工次候之

工

略

予至

廿二日在工觀繩妓。設酒果邀張丞英簿陳弁及朱君裕昆同觀

之成而散

廿四日作葉子戲於曹廠及亥而歸

廿五日將往七胡以風不果是日遣老李回家

起

廿七日寅刻迎謁沈叙軒觀察至塘工而途遇之即隨回曹廠叙軒邀

同旅食暢所欲言并為上河協防陳永壽解叅劾之厄永壽忠厚

人於工程事尚諳練年已六十餘因有弁目欲覬覦其缺者以飛

言先入叙軒之耳適其工又不中程度遂將禡之余不平為白其

誣誅云

口

廿八日回浦聞芸帥將閱江工路過維揚前鄭君早有復音業已

日

致書大府茲將良覲更可晤言重遣梅信致一玉焉是月孫柳

君來浦留廬

衫

玉

星

廿九日錄途中偶成七律一首於此一葉秋衫一穗鞭郵亭小憇晚
涼天羣羊戲影環紅蓼獨鷺拳身枕白蓮玉宇遠收千里霧
金堤高接萬家烟大河東去日西下無數星辰生眼前

八月初一日自工回浦

初八日遣僕貸贖於范梧山時官宿南通守因同日東來畧有瓜
葛無可如何始為此舉耳

十二日王容參司馬五十金此君自去歲至今已通挪至八百金矣茲
又典衣相濟感心之至熱場難得之友朋也

中

送

十四日宿差回浦假得百金而已亦應一時之急唯^堦工所少甚多殊難完此公案也

十五日潘鴻兄自京回溫路過浦上持林石笥手札來知都門各友均尚旅食平康為可喜也是日月色甚好夜漏四下方就枕

附

十八日潘君回里將枉道歸安時致端木子彞書因春間有書來將以新得壬午郎君寄我名下為義兒遂取學者二字寫紅綾贈之

廿五日見海道知宿南豐北中河外北揚糧五缺皆為他人所得河上奔競成風鑽營萬狀我輩書生稍知廉耻實難^與為之爭衡也廿八日謁芸閣副帥徑詢諸篆均定何以見處承諭此五缺皆題本亦曾擬及下官此後再有懸篆已與礪相酌之當可相及

云云未知果否也。

廿九日見蔣伯生於地藏菴。新自闕粵干謁回濟。過此小談即回。此公附庸風雅，乃虛聲之名士也。

九月初一日

初三日蔣中堂自江寧來浦。是日抵淮上，買小舟迎謁。與華李二令同見於舟中。問及東河水勢，並問在東河幾年，意甚殷款。小坐而退，即回寓。

初四日投謁於三大府，皆詣河口謝河神銷防厄之差。

初五日霜降節，各大府皆詣河口謝河神，不在署中，令人稟賀而已。初六日謁張河台，與大批諸令同見，并新任蕭邑令李君、贛榆

人高

令趙君皆舉班也張帥以防汛辛苦見慰數語此差已畢大眾
胥望荐剡但人數太多未知誰與保章耳

十六日海道叙軒觀察以予列保牘首名請照原銜以應升之缺升
之作啟謝謝

綠葉九月廿五日假疴為名各處請告將有緣楊城郭桃渡頭之行為

河堵所迫出而避之順道以求種花馬是晚買蒲鞋頭小舟携僕
三人奚銘陳順田福役二育文梅信成亥之交解維抵淮城關下
宿焉

廿六日泊寶應縣宿

廿七日抵高郵州已刻訪江春濤於揚河廳署即留午飯并索其青

出 跌

商

帙二十索以為行役之費未刻即解纜南下高郵牧李四兄以公事亦不及留刺而行

廿八日抵揚州即挈各僕食湯餅於翠芳樓隨至周七兄處相見甚喜談至午刻後往謁運司鄭夢白同年詢及前託張帥事據言憲意極好允必與河聽之篆前日揚糧曾以予名與孫君同育於礪相因孫君資深故先與之後再定當相及想來不虛詞以誑也是日康山有公譙小坐即辭出約以南京四時尚有所求再當投謁先下此語以為僦賃李張本耳仍到周處晚飯即回舟抵關下宿以待早行

廿九日自揚城行四十五里至瓜州即問王巡檢索一大號紅船移

行李過舟時已未申之交適遇東北風大作長年催促解維立
即揚帆出口綠鬣飽快如奔馬一時許已行數十里漏下二三
點可以到江寧快意之至一攄積悶官途如此何患不凌雲捧日
哉即此先機可期遠到

三十日辰刻自龍江下關換涼篷小舟由水西門進城約行五六里許至
東牌樓上岸在糧道署旁慧門道院作廡是日晤江浦令馮同年
山東人也

十月初一日辰刻起雇小輿往謁慶方伯以行香出署未見便投刺於
幕友何李塘名嘉鈺兒之表內兄也隨謁江寧守余鷺門以來
意告之即辭回寓鄉人金來澄來廡本姓練名澄之永嘉人二

鳥

十年舊相識。家鑑湖及雁田石筍皆與交好。昔為蜀藩僊。從今作
鍾山寓公。洗心從善。亦甚可嘉。午後無事。邀其覓伴同遊。遂同至
呂乾興帽鋪。拉其主人。行三者。共過白塔巷馮三多家。見其五女。又
蘭士女。飲香丸。女賽珠及雛姬房老共六人。時將上燈。予亦興發。
澄之。即令治具作餐。移燭入後房深處。其屋宇頗高敞。精潔。凡
數間。梁燈壁畫。檀几。綉簾。較之素浦妓家。遠勝倍從矣。飲饌甚
豐。酬應亦熟。酒次度曲。飲香最工。予本所屬意。若非翌辰。尚謁方
伯。必欲照春屏之題詠矣。飲至漏二下。偕練呂二君同回。
初二日辰刻起。則方伯已出署拜客矣。遂往望仙橋練澄之家。適
遇其新生二兒。作湯餅會。賓朋滿座。幾無坐處。借其鄰陳君

數
數

少

家款予、屬其親家孫慧兄相陪、孫君為縣吏而長、益好善、勸為
為放生會、一月一舉行、憑人多、出資或十或百或十、積聚而成、
量物而買、每月刊刻其錢數、物數、以散會中人、用明不欺、五法頗
善、予亦有意於此、遂作札付澄之、今年九十兩月、每月一千、明年
二月至十月、共出九千、並約以得廳縣之日、即捐百金、寄交孫練二
君、代置產業、取息買物放生、永存江寧會中、以為長久之計、此
予心願、為保慈親長壽而設也、

初三日辰刻起、即至藩署投謁、與上元王令甘泉鍾令及北捕司馬、
共四人同見、慶方伯尚記在東時事、問及農帥及芸帥、并問予借
補已滿、可調本缺云云、坐談一時、許而出、聞督撫札商、育將另

如

委署藩、遂於瀕出時稟辭而行。回廨即屬澄之代售。綉緞數十金，并售玉意一匣及零星小件，即命奚鎔等雇舟為回浦之計。是日孫慧兄與澄之同來相送，晡時始去。

初四日辰刻起，司吏朱姓、王姓先後來，即去。奚鎔所引進僮人王客，久為武進令汪世兄司閹人，尚老誠穩重，夙亦知之，遂錄以待用。此時俾司江寧驛信事，已刻雇肩輿起身，到水西門外平樓子，船即解維。

初五日辰刻渡江，折箴而行，亦頗快利。未刻入儀真口，乘潮而下，夜抵揚關。

初六日鈔關門，仍至廣儲門泊焉。午刻肩輿到周七兄家，詢知渠已

過

固

於初二日有急事往東臺婚家十日乃回七嫂令僮媪因留即小住午餐隨至運司署見鄭都轉以假貸告之諾而不肯多許聊且如所言面邀來日早飯並知徐同年仁本魏玉崖亦來拾謁而陳魯山來泰在署中閱文卷孫世藻大尹權江都皆同榜同年共有五人亦難得之聚會也小談而出即往江都訪孫二兄略話而歸已上燈矣即住周廡

鞋

初七日巳刻往運司署赴席晤玉崖同年同席即此五人飲至未刻始回玉崖隨來小話而去是日記周穀人妻弟吳二兄購一雙織絨二匹初八日辰刻都轉來拜隨送揚清平課銀二封聊且受之即收拾回舟前借穀人七兄鹽課四定當封還之七嫂不受遂收回俟

厨

亦

可

再寄耳以一定與同錦數百犒府僕馬午刻解維北下舟次接
庸中芸舅初六日信知黃琴山於初三日到浦即過王營覓車北
上恐行程匆促不及待晤矣真正已於初一日到浦餘皆未鹽
瑣事也未申之交東風忽作逆流張帆頗覺快意天將曙時
已過高郵矣是日作札與江藩署中何李塘交江都孫寄上
元王轉致因渠前有札薦廉人朱成故復之且屬其向慶方
伯言權篆事也

固
初九日東風仍不息舟行頗快利未刻過界首驛右下又落一齒
連前共五度取活玉窠矣因是老態亦因烟霞之氣攻伐輔車
故摇摇數墜耳俟作小文以記之戊刻抵寶應



三

初十日未刻抵淮關。大風忽作，飛雪洒窓，舟不得行，泊一時許。天已入夜，雲散月明，即從淮城西門雇擔子一乘，沿運堤而行。北風寒甚，以氈蒙頭。子刻方到浦，廝予始等尚未眠也。

十一日早見芸舅，知曾因甫世兄來此，在東師之子名金湯，贅於吳，不能自活，故來覓館。人太忠厚，又能無他能，且令小住，緩圖之。

十三日消假之大府均未見督催。運公事匆忙也。

十八日謁見蔣中堂，與宛徐唐林四令俱見，坐定，即先問予尔班可以署地方通判否，以不知向例為答。又言刻有淮捕一缺，但係署淮守所出，真守即回任，不過三兩月，亦不必署他云云。又問予尔班必須沿河缺方署否，予答調遠必須沿河，暫署不拘何缺。又諭沿河

並無好缺。又問予時作文字否。予即立言。昨聞張大人說中堂有
筆墨之事。需人辦理。果否。承諭此地暫住。不須文字。且回署再
看云云。予亦不接口。自荐也。小坐而出。即謁兩河院。三道均未見。
遂訪正幕諸君而回。

十九日戌刻與芸舅同出陶寫。至徐伶無雙廟及王大房小蓮室外。
連呼不應。又至玉琴處一茶而回。久不行路歸而熱甚。解衣磅礴。
似為風所吹。入夜即岑岑然。微近身熱之坂。遂早眠也。

二十日巳刻起身。熱頭重。冒風不快。即呼醫診之。服散藥一劑。

廿日自十月廿一日起。初服程濟封約不效。旋服陳敬五藥。變為喘
逆之症。日夜不能就枕。又延請姜筠屜。用填腎之藥六味。加減重

用熟地並延請朱濟川同酌定亦不甚效十一月初五至廿五此二十日中
危急之至心神不交脾胃不開凡不能睡者月餘不能食者亦月餘
每日但食粥一小甌而已保妻及芸舅均懼甚芸舅日夜來眎三五次
一切延醫稱藥皆係一人料理可感之至保妻託命所天衣不解帶
侍奉勤慎乃分所當然耳諸僕張儉奚銘等亦皆危懼設醮十
保連名告神亦見事主之恫也朋友中惟周友蓮四兄特為關切
來眎四五次代為謀藥餌之質並向沈觀察求工得態山安一處方
得度歲餘人惟秋濤菊塍香泉來一二次耳病中氣逆桂烟不能一
吸以丸代之當病亟時旁人生畏而已心甚坦坦且聞烟氣不穢自
知不死然亦甚危矣幸而黃世兄維翰自湖南來本為捐分發張

羅尋我到此知我疾危即來相望自稱能診一案脈閱舊方即
謂此等藥皆無益於病但加劇耳立寫一方逼令即服以桂枝附
子為君佐以薑汁並茯苓半夏白朮甘草共六味專治痰飲之劑遂
延朱濟川來相與辯論半日朱君心服其言亦勸服之黃世兄並言
服之則生不服則死言甚剴切乃於廿五日午後服之一時許即覺
胸次開豁氣喘少止次日再服一劑便略思飲食黃世兄定於廿八
起車入京遂來瘍中立使照原方打藥六帖所有用薑汁拌者皆手
自拌好封令按日服一劑並留話不必延醫再診即服此方至九劑
自可安睡不喘九劑之後又作一方乃六君子湯以玉竹代黨參者
令服十餘劑再靜養一月便復服元矣廿八之後即依所言日好一日

即

三服之後脾胃漸開至十二月初一二日即去粥吃飯初五六日即思葷味此後服六君子湯亦極對症連服十餘劑漸次強健惟足與氣虛尚須調養每日食燕窩二三錢並羊肉鴨子等物至十五六日仍舊脫衣安卧一切照常大約正月初十內外即可出門消假矣黃世兄之來亦是天遣解神不先不後當諸醫束手之時來為我治病立定己意實在難得并且伊入京之後亦仍請姜朱諸君來斟酌方頭最可怪者改却一味則不對如玉竹便對換了黨參即不對之類豈真伊認得真耶抑醫理實精耶惟伊診脉三次懸揣立方一一符合當是脈理精微伊本三世知醫矣當立方時曾言若再服熟地等藥半個月疾即難醫當

時不覺今日思之汗下如漿萬一竟誤於藥別事皆其次堂上老人將如之何即或久病不至於死而卧床半年一無出息亦即與死為鄰矣况今年四月以後塿工為兩所累一無贏餘家中取去四百金工上即虧空此數八月以後日用及零星欠賬皆非借即當借人利息至每月六分八分不過二三十千一票者亦且無借處當則罄其所有適當隨用至十一二月二三千文之物亦盡矣處處求人處處丟人架子一倒十無一應自元年分發以來至今七年從未有如今年之窮迫者不知是運蹇耶詳思運行壬字並無不好當由流年亥字拱貴填寔之故感疾時亦值十月亥月也茲十二月廿一日已交戊子新春定女諸凡順適矣

必

十二月十八日病體已痊仍須調養朱濟川二兄為予取燕菜一觔高參五兩食之雖昂貴只得身子為重財物為輕且作再作計較耳

十九日五時立春正月節是日服參三錢頗覺小益氣分也

二十日作書與熊山安因海道沈觀察屬其附派一工以為沾潤乃友蓮所謀故札之貨賫以為卒歲之計耳病中曾與王河二書王外南一書范宿南一書鄭海防一書或答或不答亦付一映而此中總怍怍也

稟

廿一日自十月廿一至今恰兩月疾雖全可貧則太甚真是典罄貨窮幾於斷炊自捧檄以來七年未有此况矣典之質庫者竟至

青蚨一索之物亦盡貸之華廳者竟至白鏹廿兩之裏都來朋
友中相挪十數即是大手筆亦平素相好者方有此誼稍泛泛者
即置之不答可嘆可笑亦只自恨不長進人情大抵如此不能
望他人也此後當自奮以期吐氣烟霞之疾永不再犯以杜多
之謗入春先乞本缺以自効典午題輿聊且置之但憑忠雅主人
若何相待看來必不漠漠如忘也此六日中惟周友蓮來五六次
最為關切感之甚深王秋濤二次陳菊塋沈香泉一次自東河來
此相問訊者方雲室王子放沈小岩自京及家來問疾者寧波守
備魏鎮邦賣柑者張廷鈞也

廿三日海防鄭司馬送河平五十金來無因而至想係東河嚴帥有

室

覆

書記之故有此舉耳。前於月之十四日，專差梅信持手稟及柑子瓢菜二器，送至濟寧，詳言一切。或者急遽致音，乃分河潤也。廿八日山安送河平百金來，不足於數，再託友蓮札催之。

廿九日山安以友蓮之言，又送百金來，將就可以度歲，亦僅僅解折米鹽之債，他欠皆不結清楚也。亥戌之交，張儉自揚州回來，又持鄭夢白都轉所贈百金來，始得少留餘貲，以備新正之用。僕役等舟出揚關，即履於水，行李什物皆沈，而鈎取之，尚無遺失。役夫鄭達幾溺而生，亦大幸也。統計立春以後，共入銀三百五十兩，方得過此栢冬，而由謀遠貨，亦已辛矣交濟矣。

八年正月廿八日戊辰，宜出行日，聞蔣相國將至，雇舟迎謁之。

覆

二十九日回浦聞星使英都統將至以張帥奏辦南河四項工程奉使來會同蔣相國勘履也

二月十二日李太史紹昉自京奉諱回桂林持黃琴山書來屬為照料因友及友誼不可辭正在窘時贖以青蚨十索而已李字曉園已邗庶常留館亦京中舊識與湘生朗如等同年也

廿五日潘易門之弟第三兩田正月初自溫到浦將北上都城而無貲留住外間籌與川費已付銀十五兩作南來船價其日用伙食亦陸續與之高須二十金為車途之費且今小住以待耳

三月十八日林敏參同年為湖北糧道督運過浦來望並言揚州見鄭夢白同年商權篆事大約江甘兩邑皆有虧累不足借潤

託

其時適已有署高埏之信矣。即記其轉向節相言之。似可於河上丞倅之篆。有缺即得也。

三月廿二日接奉署高埏通判之檄。

廿三日稟謁蔣張潘三大憲及揚道鄒謝委。均傳見。惟庫海二道未投謁。以出門未回也。

本

廿六日卯時接印任事。是日未刻赴道鄒。即蒞工驗收幫培大隄土工。分應隨往伺應。申刻到高埏武家墩。與陶五兄同住廟廡。

廿七日隨本道收頭二三堡土工。風大中止。住六堡。

廿八日雨。住六堡。

廿九日收四五六堡土工。因雨而止。仍住六堡。

弁

三十日收七八九十一十二堡土工窮一日五五之力及晡而止住十三堡

四月初一日收十三十四十五十六十七堡土工至禹王廟山盱交界陸通守

等來迎時已申酉之交矣揖送後即與陶五兄汪大兄高埏守倫名元音碭山人

官此同回至十三堡宿焉凡到工六日共隨步五十五里早起晏眠尚不

甚覺勞頓所屬高埏主簿朱士濟高潤主簿宋文成及千總黃

佩協防王雅藍均皆接見惟協防王承泰以病未來其額缺効

用荀繼昌侯自榮汪文光亦已識之餘弁不足記矣予去年所辦

十六堡土工上下共保二維丈尺亦不大足初次辦理用不人不當之

故也

初六日本道自山盱回接至風神廟午飯於六堡公館隨之回浦

十六日公館中親友家人等治觴為予作生日。哺食作筵。答之呼桂如侑焉。
五月十七日治具請客。設兩筵。席招翠文二女郎為錄事。客至者朱
濟川、婁午、莊表、敏、竺、汪、古、琴、張、大、令、建、勳、趙、大、令、汝、泰、沈、泉、王、甫、亭
及楊岳、泛、交、等。并館中親友也。飲至夜分而散。

十八日邀正院幕中友人李、小、芙、祝、話、石、姚、小、山、王、秋、濤、陳、菊、滕、周、友
蓮、及、楊、夏、二、君、一、筵、分、為、二、席。侑觴者仍文秀、翠齡也。漏下二點
即散。以禁鑰故耳。凡此二日費皆為權河廳篆。而然亦因去冬大
病無恙承諸友人雅誼相關。聊以申意云尔。

廿八日延請嘉禾朱士選三兒。辦理外南廳屬外河汛第三十二分土工。
是日興工。先於初八日接淮陽道札。十二日領五分數銀二千二百五

十兩因朱君為介置之同豐錢店陸續取以應工用之在十六堡至十九堡共八百文估計甚嚴殊不易辦也

六月初三日大風一日自邗及甬始息先東南後西南予方自高埗工次回心甚慮之

擗

初六日為予頡生日呼指彈人及小女伶吉慶子弦歌半日仿陸展鑷白之意代姜夔倚紅之歡焉

將

初十日因高埗頭堡東戲坐墊并二堡共二十五丈營備汪君邀往相度又聞各新戲亦有脫坡者將飭汛估計不得不親自蒞
眎也

十六日大雨將往工次不果

裏

十七日辰刻由河取大堤路到高埧頭二兩堡閱眎館於武家墩之
大王廟未刻汪君始至重又偕往看工再四估計共須土一萬七千
餘方雖防備未然理應慎重然以予臆度之本道未必許辦也
是夕即廟廡宿為僧聯誠書扇一握借閱其指月錄等書夜為
蚊擾申旦始寢

十九日回浦見河帥面稟頭堡坐蟄事以本道往揚河未回請委員
復看聞薛遊戎膺是役焉

廿三日陶五兄自京回浦即往眎促其回任以卸仔肩是日即見本
道懇轉求二院早謝事當承允許心稍寬也

廿四日本道閱坐蟄工辰刻偕陶五兄同先往伺應果如予所計

不肯大辨、午刻本道先回、予與陶五兄因止院有廿五明工之信、遂
止以待之。

廿五日張河帥巡閱、檢畧二廳、勘收土工、辰刻接於交界、巳刻於
六堡未申之交、始啟節東行、行至十三堡、天已將雨、濃雲如墨、
行館太湫、溢帥節不肯駐、遂冒行十許里、至十五堡、大雨傾盆、
雷電交作、西風駭浪、勢極可怖、從騎材官等皆淋漓傾跌、而途
次無可停輿者、遂徑行至山、盱風神廟始得館舍焉、予所乘轎
上漏下濕、弁夫無籠燭、不可置足、不能隨從、先止於十堡石工廠、
陶汪兩君皆冒雨隨往、夜漏四下、風雨方霽、小睡一時、辨色即起、
前赴帥館投謁焉。

廿八日巳刻接張河帥於十六堡即隨回至六堡午飯自廿六至此凡三日皆同陶五兄住石工廠房候差日日以象戲消長日而已是日未申之交送張帥至頭堡即由裏河堤路回浦

廿九日交卸高埕通判篆務署事凡三閱月零三日正在夏令長水期內五月間已消存一丈五尺三寸六月間仍長回至一丈八尺一寸石海浸出水數百寸經歷三次暴風幸尚平安無事心中畏懼之至茲已入秋更屬可怕且此廳長堤一道兩面臨水宣洩無權弁兵刁滑公事難於措手上司又復刻苛得以交卸如釋重負焉

三十日領外南大工後四分數銀一千八百兩仍交同豐以應工用惟自前月廿八日興工後連遇大雨二十日堤根積水土塘盡淹向南取土

上

路遠七八十丈。又越大堤而幫北。戢三夫之力。不抵一夫。計空發伙食。及墊路挑溝等費。不下三千餘貫。工程不及五分。賠累已定。院道皆知。議將停工。以待霜後再辦也。

七月初一日。接奉江寧賀藩司委令。代理通州所屬如臯縣知縣之檄。本任王君善業。聘調入簾之缺也。委牌係廿八日。自江寧發。

初五日。領土工尾數銀河平三百兩。以為赴任之費。面見庫道。請之。故得領焉。

初八日。雇大舟三。小舟四。挈陳妾偕。廨中諸君同往。計眷屬僮僕等。共三十八人。因在浦亦須食用。故盡室而行也。

十五日。舟抵臯境。胥役來接。卯刻至城。辰刻至署。拜望王二兄。談次。

亦

知渠尚有三四件命盜案急於訊結窺其意似欲少緩接篆以俟
清了此缺本渠缺略遲何妨原定此日巳時到任因此遂以先謁本
州為詞改於十九日交篆以禮讓之意也

十六日乘舟至通州投謁本州周刺史濤一見即辭歸以渠正訊案也
周字聽松貴州人由桃源令升授此職乃河上佐貲起家素所相識
者意甚拳拳并為沈香泉面致楹帖摺筴在浦所託為秋風客
張本者也

雷

十九日巳刻由卜家公館起身至署拜門拜

闕拜印畢升大堂

受吏役參謁入署內祭灶祭井祭中雷神隨將行李眷屬等移
入西偏正房定居焉是日赴王二兄酒席為旅者刑名幕友蔣君

上

六順其人頗爽直與王二兄甚相得予亦驟見之而心契且將以公
事相資為理也

二十日往繆家庄相驗張馬氏繆双林命案

廿一日夜回署

廿二日送王茗園二兄於東門

廿七日斌鈺二兒偕李妹文楊廷高兄自家中來詢悉堂上康寧欣
慰之至周七兄亦同來

同

八月初一日謁文武城隍各廟并拜回城寅好及各紳衿

初三日祭文昌帝君於文峯閣是夕二鼓後北門火乃積柴遺火旁
無民居步往跡之命劉典史代查即回署

初四日至廿九日日日訊案無暇記事惟於廿六廿七兩日為堂上設筵祝壽賓客至者同寅及各紳衿共收禮儀百金亦花封例事也三十日作家信并洋五十元交楊廷高兄回家帶為與堂上為綵戲之資并送楊君三十元為程儀又寄朱宅岳母馬太夫子八舅太爺各數元此外但書函通問而已是月十九日命鈺兒往徐贅姻九月初一日謁文武各廟

初二日聞王茗園外簾差竣即日回任遂檢齊各案牘令司簽押者清理之以俟交卸予任內相驗凡六案始於繆双林終於吳加喜惟吳係被殺已訪獲支世宏張裕兒二名亦俱承認挾仇故殺而凶器未獲屢屢翻難以定案遂先以緝凶詳報移交王君接辦也

結

坝

初六日巳刻交卸印務擇日起程回浦

十五日巳刻自臯登舟回浦挈眷同歸予與周七兄乘小舟先行申刻至海安即過坎換舟由內河行將至梁梁場訪程君約婚也

十六日辰刻至梁梁程立猷世兄來迎即乘輿至其家見程榮庭大兄立猷之父也周七兄為予四兒學杰請婚其次女當面說合即時而定予先寫杰兒年庚與之合婚遂送回其次愛年庚遂定約焉無心隨遇而成朱陳亦可喜之事也

十七日程親家設筵請姻家侑觴者玉巧二女史也冰人周七兄梅九兄及親家之弟預席漏二下始散是日閱花二枝將定卜姓而皆不可於目焉

叔

出

十九日午後與周七兄及立猷世兄偕回前舟返及大船已相去二百餘里矣

二十日至仙女廟命大舟先行予與周七兄將至揚州有所事焉是日至揚州周廡見仙舟十二張七兄之張向所稔識并見其弟小谷廿一日仙舟言有素氏之婢欲贈人為妾即屬其致聲以拜望周七嫂為名來一廡目辰刻雨午小齋素婢始來見而可意即託仙舟言定以百金為身價略為具衣飾月遣人為桃根之迎焉未刻素君名謙者其小主也書庚帖身券交仙舟持來即先與二十金為定約是日申刻予動身回浦夜雨不發泊揚關宿焉

廿四日郊刻謁見蔣相國於高郵露舍祠舟中甚蒙溫霽并面令予

不必返隨即回青江似有與河上篆章之意也

廿六日回抵浦廬是月初六日命第兒學鈺往徐州贅姻吉期定於此日也

廿八日接鈺兒徐州信知已於初六日完成花燭矣可喜之至

十月初六日接奉沈淮海沈道憲會同江寧賀藩憲合札委往海

州幫查戶口

初七日謁沈道憲言及會委事以事關民瘼不敢推辭惟浦上多未了事須請假十日當蒙首肯并言及河篆事大約總可得一也

初八日具紅白稟請假十餘日以感冒為辭接批准五日亦且聽之

十一日謁潘河帥言河篆事

十三日納第四妾王氏名之香窠字以蘭升從陳妾之行也素氏之婢
與予姑同庚皆二書四矣頗識字知書算亦能烹調花綉殊多才
藝維貌亞於陳妾而情性亦爽直可喜同居不至相睽也居之
西房俾掌計賬厨餐事

十七日謁鄒道憲於河口廠中以土工接辦須調劑也亦言及河篆事
總聽忠雅主人主持定局也會心揣度不怵他先

十八日稟沈道憲銷假起程往海州

二十日申刻由外南堤岸渡河至外北妾工即由周庄登鹽河小舟乘
夜開行至

廿一日

廿二日申刻至坂浦訪孫二兄不值見其郎君及閩人即託其派役一人持信函往浦廨取衣物是夕即泊板浦宿焉聞沈道憲臨水口圍估蕩柴許刺史亦不在署故也

廿三日午刻抵海州即至署投謁許刺史公出見其姻家周君楨字卜云杭州人秋試下第方回年二十餘甚溫雅因留予飯代作主人時已及晡遂留食焉中筵海州吏目宋元綱來紹興人亦查賬方自城外歸也散席即回舟隨許刺史家人送移文口冊至舟乃分查莞滇南北二河共約四千餘戶只可且去再作計較立命解維夜抵板浦

廿四日早行過大伊山孫二兄曹七兄令人來招云海道沈觀察將至
約投謁時已未申遂至曹孫二君所駐之所乃燕晉會報館 鄉人
約二君哺食并邀予同之主人之意甚殷遂留餐馬漏二下回舟二
君隨偕來坐談一時許而身節無信乃各歸舟就枕以待翌辰是日
作信專人回浦

廿五日郊刻聞道台及許本州聯舟東下投謁不及遂催擢西行至
莞河之新安鎮宿焉

廿六日從新安陸行十許里至莞南上真院作公館

閏五月初一日自清江來至海防廳之劉曹工即借居工廠之友朱
三兄裕昆蘇郡人款接甚殷并晤上汛主簿莫五兄及協防陳永

壽是日仍回浦接到鄭司馬劃分段落文書計自外海交界起
至七胡公石碑止共長堤二十八里

初二日在浦

初三日自浦起身來工防汛即具文報是日到工車行甚緩戌刻方
到仍居工廠

初四日分防上段邑丞張七兄到工來廠相望晡時答拜同飲飯於莫
五兄大王廟廡

初五日巳刻會同陳協防帶目兵二人親乘小舟由上汛兵一堡起測
量中汛水勢直至高工係童汛兵二堡止即登岸在高工上廠小
坐啜茗仍乘輿回劉曹工廠巳未刻矣

是日劉曹水誌存水二丈八尺三寸

信

初六日未申之交移居堤下 真武廟之西廂室凡三楹舊甚侈剝泥
窻席地亦費廿緡因有百二十之浮厲不得不少加掃除也是日
童汎把總陳勳及分防上段主簿陳大兄同來相望午飯於二廠
申刻始去予亦移居廟廡晚間大雨

初七日在廡未刻朱陳二君來戌刻莫五兄來張儉自清江廡至因南
工有信須銀接濟即作何回覆邵方二友并帶紅封一了交帳辦
工此工此月當可告竣也

初八日巳刻即雨至未刻始小霽申刻具酒果邀朱三兄莫五兄張七
兄及陳協防小叙陳主簿程把總以道遠雨濘不至村中有賣唱
者小屏拍之來胡琴羌笛費弄可聽燈上復為影戲鄉中老幼稱幸

率來觀亦旅中破寂之一端也戌刻始散夜大西風徹曉不止殊為
愴工石堤危之

初九日曉雨不止午後方有霽色

初十日卯刻

十一日辰刻起

初八日查完莞北飢口共極貧七百九十一戶大口一千四百十八口小口八
百三十二口折四百十六口統計大口一千八百三十四口次貧二千零
二十九戶大口三千九百十口小口一千四百五十九口折七百二十九口半
統計大口四千六百三十九口半合極次共六千四百七十三口半即發
榜以示 莞滇南北河共查極貧一千三百九十二戶次貧三千一

口

雲

別
二
七

百九十六戶共查拆大口一萬三百六十二口半南鎮鄉團為唐愷周
 述閔何心渭北鎮鄉團為培林宋元圭武萬勳管 張明勤
 共八人州 書為申濟川石景珂劉芬快役為稽盛共四人自
 十月廿六日起共至十一月初八日止共查十二日州發水三十二千除
 用外自墊賠錢五十六千自帶家人杜勤陳升周升陳順張貴田福
 共六人隨役高文童升共二人轎夫四人

初三日晴午後陰微雪在署觀度山所錄南史及靈芬館詩話晚飯
 後與妹同諸人等小呼盧於香南雪北齋二鼓散即歸室就寢

初四日辰刻起早陰巳刻出署至今生寓緣有夙約與寒巢及予小有陶
 寫作竟日歡也即呼邵小史 鈴來俾作酒料飲時雪作和與酌

和與酌

雲下作寒當
改雲依此

去

縛

斟酌令倡崑調以侑是少本為裴舟招飲予樂此不赴名張吳亦有
何別駕之約个生辭之寒巢不得已冒雪踐筵數饌而回小史三鼓始
言予遂宿於个生寓至是日談謔調笑頗極歡暢以客邸岑寂之
况當官場束待之餘真乃捫幹皆香食餽亦醉過返心啞然自笑
也

初五辰刻自張吳寓步歸署批詳文稟簡十餘件作酬應詩四章
未成午後出署至西關外拜師泐河見之王池州未見蕭別駕亦未見是
日為汪小泉主簿招同幕諸君春酌即赴招適遇龔上河王池州一
揖而去少頃諸客皆至飲至漏二下與諸君同返署

初六日晴午飯後與方雲室蔣叔同陳義亭諸先生為綵選之戲俗

光 為

所謂升官圖也小戲無勝負申刻出署仍至个生寓清談半晌適有
徐君求為舊濟寧 牧作歸櫬歛錢公啟即為作駢語百許字付
之去在彼晚飯戌刻回署嚴次石要至 舍小談而歸

初七日巳刻出署至个生寓與寒巢个同出西關慈燈寺旁有秦晉
豫會館觀劇以部小史有所搬演從未見其飾粧是何等體段故特
往觀之至則廣場尚寂因至寺中逢齊僧要入丈室以茗為供小坐
一時許出佇立許久始見出場所唱為瑤臺一折雖 粉黛 艷然
翻不如禿袖小冠之可人也旋即回个生寓是夕為廖十三裴舟招飲
略坐即赴筵席與者為司馬道屠秦氏昆季魏廌及主人八人
中酒予召小史來為觥錄事飲至漏下以院署鎖門甚早遂與幕

中二君偕歸叔同先生要至東廳作彩選之戲漏三下始歸寢是日晴

初八日晴不出門晚為大帥召飲三席生客為廬山長李某君大帥之姻丈也餘皆幕中人三四君代為主人漏下筵散頽菴復設小碟果品雅飲以應上燈初夜習俗所尚亦主人自言如此鍊門先生瘦山先生與坐談至漏三下始散

初九日晴不出門觀南北史摘本晚為素君題醫俗圖四言一首子容之內兄也詩別錄漏二下春槎來談至漏四下始去

初十日晴已刻起摘錄如課申刻出署至介生廬小坐晚飯後歸坐十一日晴已刻起摘錄如課申刻與春槎同出署至莫同江廬小坐宗

玉墻東久藏不出阿戎俗物難於常談仍至介生廌適又逢玉局花
下飲甚愜予懷遂與春槎同留飯於彼半晌清歡獵酒剪燈之皆
趣一番軟抵微嘲薄怒之俱宜也漏將二下檢點急歸頓菴以鰲魚
燈為贈自購走馬燈一具俱掛壁以應上元佳節三鼓後就枕

十二日晨起觀迎春之戲于射圃申刻出署至張吳廌小談晚飯後即
廌坐

十三日辰刻起是日為立春節同幕中諸君謁賀并向少君輩及諸
先生道喜申刻出署至張吳廌小談晚飯後歸廌子通以人日小
集詩索和作札與莫莪村盛蘭溪又與張蕩洲書交摺差帶
至都

十四日巳刻起申刻出署至張吳廡小飲是夕予作主人要个生寒巢
即就其厨司作一品菜以答連日黃緣邠公之意并要司馬頰菴
與席招邠小史侑觴頗極歡暢飲至戌刻與司馬君同歸署

十五日上元節寅刻起與同幕諸君謁賀申刻大帥于挽洗樓戌初刻
席散共至射圃觀放花炮畢歸參亥初刻至叔同先生廡小談春槎
鉄門亦在彼共坐半刻許子容亦自內出互話至漏將三下始回
寢是夜月色甚明天色亦煖惜少星橋大樹之觀以應花月春
宵之節夜闌入寂振觸家園未免怦怦心動也

十六日巳刻起午後鉄門以所作燈謎古書古人名俾解之為戲未
刻出署至張吳廡適隣兒亦來將為夕飲司馬頰菴飛片告知

大帥將有鎖廳之禁遂舍之而歸晚飯後西院諸君來小談漏二下
許久始散

十七日已刻起摘錄如課書所作歲除和子通見贈之作與之四首錄
於此客路三千遠年華四十新又逢歲除日偏作官遊人燈火團樂夢
風塵老大身放懷遠一笑取醉甕頭春一自指頭顧笑滔滔第幾流
一經前進士百里古諸侯借地架排軸看人車引騶愁真是何物與
世且沈浮二人生縱滿百能得幾何年官職四牆屋妻兒一稜田偶逢山
鳥樂急放海棠顛依例冥冥事詩狂酒聖賢三朋友有情物文章無
盡藏賞心皆獨得樂意不相妨小集苔岑契清談翰墨香元龍湖
湖士翰尔少年場四

十八日辰刻起是日為子容生日諸君已先詣香南廬祝之予睡起稍遲後至補揖出門回廬適遇个生曼雲來署對本此為循例具題之事吏胥所寫恐有錯誤一讀二校自客秋以來皆予與彼二人者為之此番有二十一本對閱至未刻始了二君去後至書房小坐晚為子容壽席飲至漏二下始散

十九日辰刻起是日同人為唐少傅白香山預作生日設香果於香南廬晚享餽餘主之者子容兄弟也飲至漏二下始散

二十日辰刻起是日開印與眾謁賀晚席飲于挽洗樓漏下即散晴寫詩扇送與莪亭詩別錄

廿一日巳刻起是日大帥赴開河查工未刻出署至張吳廡晚飯酉刻

室
回署晴春槎以袍易表

廿二日晴在署無事作先韻詩百韻有所投獻亦陸佐公任憲子感知
已^慙之意也日間草創搆思為閑談者擾亂暮夜始得捉筆予文思
拙遲必得數日方能成也

廿三日晴接到去年十月十九日家信係云石母舅手札備言家事長男
學斌已于十月初二日成家新婦項聞頗婉順為之一喜唯家事
日落羅掘都盡老母操持萬難非在外寄貲不能為活此中怵
怵不知作何措置也鎮日圖維終宵焦迫無策可施且緩以求之耳

廿四日

廿五日天微陰是夕王曼雲在張吳廡設席請方雲室先生要作陪客

申刻出署赴約至則丁畢二君先在方君逸至時燈始上席隨各部
小史為酒料是日大帥往南旺驗工封門愈早遂宿于彼亦因坐有石
氏櫻桃遂忘劉五花禁也客散清言宵分始寢

廿六日陰

廿七日陰

廿八日午刻送子通兄弟及朱文鄭君往曲阜謁孔廟以仲朔為上丁
釋菜之期也本約同行以有事不果既官遊齊豫近接聖居瞻
仰有日也

二月初一日午刻以百韻詩為贄請受業于小農夫子北面之儀非為
格佞致君澤民學問之大者先知先覺即是師資也予生平執業

之師三人少時讀徑則朱白華先生同郡明徑也壯歲為文則龔泉
先生江右進士官禮部侍郎今學為政則小農先生三人者皆俊傑
也是日為上丁釋菜之期也故特涓此辰良以脩綿蕞先生雖執禮
撝謙弟子亦天下有名之士固應樂受影質耳未刻子通昆季自
曲阜回署

初二日晴以金頂絨片為鍊門先生壽

初三日寅刻起送小農夫子往豫省查科午刻出署至張吳廬小談申

刻回署作王字第一號家信託春槎帶至蘇交梁清泉轉寄

初四日晴午刻送嚴春槎南歸

初五日晴未刻偕子通至梅脩書屋閱藏書借取唐文三冊硃諭二冊

申刻至个生廡即回

初六日晴

初七日晴

初八日晴前得家書知家中窘乏已極必須寄貲以供菽水輒思貸于朋友而又無可與言者因謀之二嚴子容許惠五十金子通許貸五十金此外汪小泉亦許為通挪我亭先生聞之乃作書以告小農夫子先假百金以濟其急阻之不可亦且聽之緩急人所時有此亦人情之常亮無怪也

初九日午刻作葉子戲申刻出至个生廡即回

初十日午刻作葉子戲申刻出至个生廡隨出西關送吳二兄徑彥往

先

武陟吳君杭州人穀瘦生之从孫其秋識之蘭陽工次少年中之可
造就者需次甚貧行資且匱因其與莪亭先生有素因而轉致逼
逼承貸以二飯且為官致一車故往達此意即回是夕為莪君為子容
作餞與飲於香南坐昨夕則壽同為主人予亦預焉飲畢漏已下瘦
山與子通來廡室談詩文至三鼓

十一日晴摘錄唐文

十二日晴是日為花生日子容兄弟羅列海棠水仙等盆卉于香南坐
然椽燭為花壽夕為廖十九裴舟餞子容之筵就設坐中以當祝延
肴醕主客圍坐雅浴混同狂飲大嚼漏下而散瘦山與子通來坐中
坐談詩文頗極諧暢三人者同志同好均潛心于典籍加意於撰

著者也雖學力之淺深不同而才分不相上下予與瘦山齒已逾
壯所談書稍多于子通然子通年方冠輒已竺嗜若此他日所就
當勝于予二人後生可畏相視莫逆特裳談藝入耳會心正復大不
易事殊不意挿脚風塵有此儕侶也漏二下送子通瘦山至香南竺
復坐談許久媿媿聽忻忻交折聖者闖然來揮塵者盡然止

月已墜檐遂歸寢

十三日巳刻起午後微陰戌刻小雨作葉子戲於西偏局室漏三下始散
十四日巳刻起未刻夏君寶晉公車入都過此入署訪子通因與相見
亦因子通素言其才詩文可觀瘦山亦契之故特脩遇禮也似人有
才容度尚可鍊文俾以文槁相質未知其能會心與否未見所作終

不敢信人言以定名品也是日雨

十五日晴瘦山因夏慈仲有今科大挑之語忽生入都之念決計鑿行爰謀齊斧子通代其尊上贖五十金昆季三人亦各有所奉師資友誼均屬厚道亦不^易得之當代者也此家儒雅沿緣寶爰大順深為欽尚方興未艾可蔡而知

十六日晴作書與都中友人鄭林方張等皆同鄉也

十七日晴小農師以莪文言厚贈之札來致與鏤鏤^{讀充}

十八日晴已刻出至个生廡見同班畢君中刻回署

十九日晴假子容十金以贖瘦山彼此皆貧士故貸以贈午後無事自為風箏作摺扇式題詩其上云摩絲剖竹總相同憑藉吹噓掌握中

多少兒童齊仰面看從高處扇和風

二十日晴辰刻起送瘦山起身赴京會試與我文汪君通容昆弟作
葉子戲申刻散

廿一日巳刻作百花生日詩記雕蟲之技雜俎之文非數日不能脫稿也
聊草創破衲被終當成神錦衣耳申刻出至个生廡晚飯後回署
廿二日巳刻起抄撰如課申刻出即回署

廿三日辰刻起出署至雲巢廡夙有期約為東道主人**招麗**暨來作
竟日歡也比至方知阿子於一乍出郭向三家村作叅軍樁矣清談
半晌雇擔子往丁何王畢處作答以屢來為未往也二不值何以令
子憲課^見質丁以舊贈文屬重書并往訪泉河別駕馮公坐話至一

時許出其猶子課文見示屬為點定且以師資相命也回至吳廡晚飯
畢歸署是日移齋於南偏屋夜漏四下得一絕句太長 奈此宵何
記數更籌第五通同此衾稠同此枕春寒偏是客中多

廿四日巳刻起嚴次石來談半時去未刻汪小泉來談射工枳首謹防蠶
觸華谷與聞焉

廿五日巳刻小農夫子自豫省查料回署與衆迎謁於二堂

廿六日巳刻師命至西偏屋屬作盧駢尉牒請葬親事文判並以記
室見委因前件人以除禫回家也申刻出至張廡即回戌刻偶詣莪文廡

小談農師旋來話京邑事叢雜文語漏將二下始散

廿七日巳刻起未刻府主至院在頤菴坐與莪銘諸君談半晌去

廿八日巳刻起作與瘦山書附子通札中寄去子通作駢體文見頃亦
有可學出語不入俗調次第亦排比明晰讀書既多自成格律異日
當有名於世也

廿九日巳刻起作家鄉親友書朱芝庭陳星樓李超倫曾倬雯徐龍
溪家協陶家商山家少霞項先直陳芸石易偉品等 一函

以申款悻胥刻子通子容子高來坐談譚問作亦涉風雅三少者皆
習翰墨緣而無紈袴氣自予寄硯以來日或二三至或八九至無六
時不相省覲也何則子賈最多賈則偉節最怒契我謾充是在士
三月初一日辰刻起作家書寄小農師所賜百金以奉老母少資叔
水用備米鹽雖土壞壤始益一簣亦眉頭藉以稍伸將伯之德

詩

所不敢諼也子容定於重三日南還將附庚郵以達丙舍

初二日巳刻起華谷為假白撰于子錢家以一流託子容為購南中雜物如烏闌牋龍團銙之類餘即償夙逋于朋儕取春衣于典庫也申刻作與黃章甫書戌刻頓菴來坐談

初三日辰刻起送子容於射圃是日農師甄別任城書院

初四日巳刻起戌刻鍊文來坐小談農師隨至問近作以子通烟江圖

序子容填詞圖序奉質文談半晌許為刻所作文集謂仿琴塢諸集刻法最好不妨可昂其值也聞命紐心之至自託歎以來一切仰給於長者恩地之厚已自難酬捧土納流矢諸異日

初五日閱任城書院甄別卷晚飯于華谷坐

初六日閱卷是日農師出東門耕藉田晚大風

初七日閱卷已刻接到正月初六日家信說歲底窮窘事真乃取東償
西千瘡百孔難以告人者近已有所寄計閏月可以到家聊以少寬
堂上之心然亦不過數月耳之費耳 再圖惟以資菽水也申刻出
至个生廡晚飯後即回

初八日已刻起畢閱卷事取三十二人生監內課十二外課八擬張元杰
為第一許鎰劉大有等次之童生內課八外課四擬李馥林為第
一楊松如王奎光等次之前茅文有佳者五名以後無上乘文字矣
評點加墨並頂 文遂呈農師皆如所擬發泉河廳張榜三五
日來手不停批亦復停、 停苦頗覺心勞始知瑣院中刈藍

塗殊人正自易為也是日為春闈入場之期如其逐隊龍門此時橫眠矮屋矣今年溷迹風塵強自脫身事外其擺落粘滯也可喜其自甘墮落也又可悲獨夜燈前難免怦怦心動也

初九日辰刻起即請假出署至个雲廬以夙約于是日子作東道主人備蘭蒸名麗豎為竟日歡也順道先謁蔣同別駕自豫回濟未曾見及故往訪之坐定捧茗來者眉目流動少異羣從詢知為聯福小史向在淮徐之胡妲近以年長易伶而僕來依元卿錢丈所素賞而屢入談資者栢拘漂馬聲名動人耳既食既多見亦眼福少談而別即赴約所則阿奴來已半晌矣解衣磅礴諧暢終朝遙思短簷溢巷之中羣雄方螭局嘔心攢聚鑽紙而我以辛苦之辰處蕭閑之地然且

對酒擁花狂叫大嚼其苦樂真不翅霄壤也下官出入舉場二十年
今歲今日胸中方放下狀元二字豈非大快活事言念及此輒向綠衣
參軍浮一大白未飲至酉半醉而過飽即別回署至子通坐頭小坐
清談而歸

初十日巳刻起作百花生日詩會記成

十一日巳刻起聞王同班長卿權濟寧州判事申刻出署賀之小談即
別至介雲廡飯而歸是日錄批羅藩司稟千餘言裁文之筆也辨駁
盡情可警羸和越代之意然抉瑕挑釁恐自此不免多事耳成
刻嚴東白煥自都門來至署子通之從父以典史分發湖南道經
此來坐小談託帶子容信

十二日巳刻起書花生日記以贈頰菴子通

十三日巳刻起申刻公服與同幕僚預祝農師壽謝不見因出署至今
雲廡飯後回

十四日辰刻公服至西廳拜壽農師避不肯受禮午預湯餅筵于桐竹山
堂申又飲于彼戌至叔同先生坐談錦文先在雜話半話晌亥歸寢

十五日巳刻農師來坐謝壽予尚卧未起入聲門致聲乃覺披衣起迓
則已回步矣申刻出至今雲廡即回近晚與頰菴散行至香南坐前遇
叔同錦文高相与躄踞牆陰雜話片時仍與頰菴至清晏亭前看桃
花而歸

十六日巳刻起子通以寄子容詩見示申刻刻出至今雲廡即回託代

購紬睽香餅也晚頓菴以杏花詩錄示

十七日巳刻起辨記室事作程黎二稿道君交與未辨各件成刻和頓
菴詩二絕句客中節物幾番新碎錦坊前又放春一樣看花儂袖
手好詩輸與折枝人贈我新詩勝贈花吟香轉自感年華與君
同是江南客如此春光不在家

十八日巳刻起辦公事畢閑談與小人**迂**一笑置之

十九日辰刻起送道味腴兄歸武陟申刻出至介雲廡遇江西劉邑丞亦
河工官除禪始來需次前聞介生言其尚可言茲始識之狀貌似
有才幹然亦不過濁流中之稍出頭地者澆滑二字既所不免非我
輩朋儕也共飯於彼及晡而別順唁于邗山晤陸記室即回署

二十日辰刻張介生吳雲巢來署對本至。坐喚子覺少談。即校對題本。
已刻去讀漢書十許卷。

廿一日巳刻起辦公事。錢通來許談讀漢書十許卷。

廿二日巳刻起辦公事。戌刻至村。同坐談。摘馬令南庄書。

廿三日巳刻起辦公事。畢摘唐譚景升化書讀漢書十餘卷。與子通頤菴
談。戌刻至叔同坐。話一時許。

廿四日巳刻起辦公事。畢讀漢書十餘卷。

廿五日巳刻起辦公事。畢至子通坐。申刻飯于書室。

廿六日辰刻起巳刻送小農師往蘭陽。工次督防桃花汛。隨出署與頤菴
同詣于上北廡作吊客。叔同亦偕往。行禮畢。少坐即出。至介雲廡作竟日。

萬

談兩飯于彼戊初刻回署至子通參略與錢文談片刻回參子通以所作
七律二章見示其一為度吉君作淮陽舊好也屬予和之是日叔同先
生送阿膠二觔作四六小啟謝之已錄上文稿

廿七日巳刻起即出署至个雲廡酉刻回

廿八日巳刻起申刻出至个生廡即回

廿九日巳刻起接都中鄭瘦山回信後言出榜後即回第一切語言心知其
事此外惟周士伯預聞焉又接張洲信並作球兒帶來去年十二月廿四
日家信一緘家人俱幸平安時值歲尾貧不可過瑣瑣責負聞之棘心
既巳時過日往亦且置之以圖現在未來而已

三十日辰刻起即出至个生廡約定早飯于彼也免為王曼雲招飲于天

聚

香閣廡所同飲者為丁瑤泉何聾丞畢張吳三同班名麗豎不至主人
以所交酒錄事代之予與个生雲巢早歸即宿于郭街个雲廡

閏三月初一日巳刻起在个雲廡早飲卻小史偕其儕瑤雲來賀朔即去
午後與个生同車出南門度天井開北岸因有澡室可就浴也室獨房三
楹鑄鉛為盆自牖外用竹筥灌水入雖不及京師蘇臺之香潔然亦
大勝于列肆之裸裎羣餐者矣浴畢散步河干小抒睇矚仍回至个
雲廡小坐晚飯逸歸署

初二日巳刻起未刻子通拉作葉子戲于莪文塾申刻農師自曹考寄
色封回屬起三稿即寄去

初三日辰刻起以頰巷有看花之約也巳刻與子通子高同出署二少騎

馬予乘擔子出東門里許至玉露寺菴房寮齊整樓閣莊嚴任
城名刹也予先到知客僧延方丈小坐二少繼至頰菴後來同入後
院牡丹二塢東西分朋紫白紅淡白淡紅共五色花百許朵開已過
半賞玩一時許啜茗清談散步階墀導師引之遍遊何若登仁王閣
入毘尼園子通又望其所放長生大蘭于外笠興闌各散二少仍騎而
入北門予與頰菴復輿將回行數十步逢廖十九裴舟自東來本與
此約其至特緩典午君夙恙未可不久遊強予伴之遂重入法門偕
至花所一番散曠兩嗅馨香是亦為予與此花有再面之緣也畧坐
與裴舟同回署至華如坐午飯

初四日巳刻起嚴次石來坐談許久言伊郎君已於本日附糧艘北上應京

北舉矣未刻與子通莪文作葉子戲申刻始散

初五日巳刻起未刻與莪文子通作葉子戲申刻散

初六日巳刻起申刻出署至午生廡戌刻回署

初七日辰刻起即出署至午雲廡昨約於本日作竟日談也晨餐春餅頗
佳將于飽食後重為玉露菴看花之遊適遇俗物徐李二客來廡粘
滯久坐遂不果去聊呼手民雉髮以消遣閑晷客去已及哺時晚食鼈
裙羹鴨脯蟹餅味致可口大飽果然申刻回署

初八日辰刻起巳刻於二堂迎接農師自蘭陽防桃汎回署也未刻辦公事

畢讀五代舊史

初九日巳刻起辦公事畢摘錄唐宋叢書共十餘種以備行篋懶祭之

用是日得張蕩洲書

初十日巳刻起辦公事畢申刻出署至个生廡小談晚飯回署戌刻子
通來坐暢談雜事甚愜心意此間可與言也榮陽公外唯有阿士雖
後鄱陽暴謔汝南更評均可于耳也

十一日巳刻个生雲巢來署對本未刻始去

十二日辦公事畢讀舊五代史

十三日辦公事畢讀治河方略申刻出至个生廡遇同班畢樂山同飯于彼
酉刻回署

十四日巳刻起辦公事畢讀通鑑紀事本末酉刻子通餉海參羹是日
琦中丞閱邊至濟農師邀飯于挽洗樓未申去東省自春來未得

雨再數日乾則無麥矣官吏連日祈求本日晨即雲陰已午間微滋霑
霖入夜大注透足入土五寸來年有收可無憂歎足見天心仁愛下民忻
慰之至紀以一律別錄

十五日辰刻起是日為立夏節公事畢讀^通鑑隋史

十六日巳刻起公事畢讀通鑑唐史

十七日巳刻起公事畢未刻與華谷問擷蒼疾申刻出至个生廡不值與雲
巢均出往姚策雲廡留語屬往會之即以刺投延入廳事則二君及曼雲
皆在作葉子戲賭酒食也筭雲為豫撫姚亮甫之子河工邑丞得大尹近
權嘉祥歸需次家于此久聞个生言其人尚可交今始識之坦率無貴
介氣似是中上一流晚飯頗豐飲次主人呼笛師橫吹自度一曲以侑

客正當上燈暢飲時聞帥轅漏下一點余恐封鑰呼飯飲之而歸

十八日巳刻起莪文銘君來坐縱談邊防天運因論史事及之也申刻出至个生廡飯後回署

十九日巳刻起公事畢作葉子戲于西偏屋是日林少穆觀察與農師書知已病痊赴都矣當作書與之

二十日

廿一日巳刻起早陰晝雨申刻少霽出至个雲廡飯後回署作盧師書

廿二日巳刻起天陰微有雨即止辦公事畢讀通鑑五代本末

廿三日巳刻起晴公事畢申刻出至个雲廡赴畢同班樂山之約飲于張參何大兄有事不與席戌刻回署嚴仲子子容自杭州回至

香南全相問訊見劉君

表叔也自淮南入楚小住於此即歸

全早寢

廿四日辰刻起子容來談

廿五日巳刻起个生雲巢來署對本未刻始去

廿六日巳刻起瘦山下弟子京回濟相見甚喜

廿七日巳刻起瘦山送京靴一双為子容易去以新換故為適足耳予

性愛舊故也瘦山代帶致家信并家寄乾魚等物信係老母手諭

說未監項屑事情項集迫不可過將以四月遣家人隨瑞菴从叔便

道經泐來取三四百貲以抹急逼所諭嚴切計無所出適時當面求

農師再為商酌也是日王秋濤道味腴來署

廿八日巳刻起辦公畢作葉子戲於西偏从莪文約也瘦山來亟相望
予尚未起後至書室談半刻許即回

廿九日巳刻起公事畢作葉子戲是日作壬字第三號家信由京託張
洲轉寄

四月初一日辰刻起申刻出至今生厲夙約本日回請姚簡雲也與雲
巢合作主人何大兄與予為陪客戌刻回署

初二日巳刻起公事畢讀通鑑

初三日

初四日巳刻起是日雨偶有所感和子通喜瘦山師餘圃舅至七律
元韵紅紫紛紛門百般總憑廣夏芘寒顏豈知鷄眼騰文處轉在蛾

眉對仗間斷織自憐機上素爭棋猶怒管中斑作食肉皆為累
不信何家有大山一籠中足足圈般般胯下歸來且強顏一任索
癩瘡痛外萬難拾唾齒牙間真龍果好寧無耳假虎雖威祇有斑
猶幸双流吳越水能留澄影照青山二此詩與為子通之作意適相反
所遇然耳是日作壬字第四號家信

初五日辰刻小農師賜百金為旅資疊錫加厚叙心之至

初六日申刻出至个生廡晚飯後回

初七日巳刻起申刻至香南冬與瘦山子通圍答

初八日巳刻起亥刻大雨屋漏數處

初九日巳刻起申刻出至个雲廡有所約且因雲巢家中遣車馬手力

至聞西寧用兵故急於問訊也戌刻歸署至書室與瘦山談且見臚
傳名第榜所識數友人皆在次甲名亦少亞恐難為與木天**寔**耳
初十日未刻試馬于射圃从紫傭典午之請也

十一日接都中張蕩洲書

十二日辰刻起个生遣信來言楊古生太守抵濟屬**出**修遇禮古生名兆
璜閩籍己巳進士釋褐金華縣知縣遷柳州府知府以公事褫職今
捐復自京南旋與个生素善特來訪之申刻出署至張廡相面夙知
其個儻有俊才良覲果然湖海氣豪波瀾**分**縱措大中出色人物蔣礪
堂帥粵曾特賞之而謂其鋒銜太露亦復不錯也个生取余文相質
甚相傾服文字道理之間余不敢多讓至揮綽塵俗措置民物則余

吻

室

少有愧焉

十三日辰刻起為子高書漆扇泥金字所作百花生日記也申刻仍出
至今生廡與古生談戌刻回署

十四日辰刻起巳刻出至今生廡是日為余預祝晚飯後回

十五日辰刻起無事夜雨

十六日辰刻起是日為余四十生日署中同人程文莪亭方雲宝王秋濤

王子敬汪小泉司馬頰巷道味腴子通子容子高釀_錢為予壽早湯餅

夕筵席于挽洗樓巳刻小農師來坐稱祝各同人亦均至又徐餘

圃蔣叔同亦至自慙虛擲景光忽忽已至強仕而功名未立薄宦羈
栖良覲相壽彌增惆悵耳

十七日巳刻起申馨吾別駕送筆八支席一條神麪一匣丹夫子墓銘一
本申乃東河候補別駕聞唐工程熟手向日佐小農師辦外工者也
以居制館于黃沁廳來此留住一二日午刻至三拜望談少刻而去

十八日巳刻起書舊作于漆扇泥金字以報申別駕之贈交道大兄轉致
十九日辰刻起申刻出至張廡與古生暢談古生和予感懷般字韻詩二
章即以見贈并以白桃花詩相示吳巢松太史元唱也即和二律玉顏
誰遣嫁春風。一笑相看露井東。溪水欲迷前度碧。夕陽借影半邊
紅。天教煖雪飛香國。人喜瑤星照命宮。艷絕西池仙眷屬。果然粉本
寫來工。一記得城南白板橋。水濱風露可憐宵。炫身縞素燈初落。噴
面容華酒正消。絮雪梨雲無此艷。玉啼珠唾不勝嬌。仙源只在人間世。

惆悵空波路轉遙。

二

二十日在署

廿一日出至个生廡與古生劇談即宿於彼

廿二日申刻回署晝間以古生苦留作伴故也

廿三日巳刻出至个生廡即回署

廿四日辰刻出至張廡以夙約遊古南池也雲个古三君偕乘車出南

門至南池亭樹依然而坍塌不堪工部壞像剝落將成泥坯矣可

為嘆息近數十年來竟無人出贖稍為補葺之者致令名勝地

荒如敗屋殘廬予如稍有餘俸必有以彌罅而創新之也倦遊沿

河岸而歸夕陽西墜矣晚仍宿張廡

廿五日在署晚釵錢為子通餞行入都應京兆舉也飲于香南坐與者
程方王王朱道汪司馬及其二季也是日送古生買舟自運河沂清
江南歸閩中羅掘賢美以復官約八九月再北上入銓部注長名耳
廿六日在署作與錢金粟侍誦書交門人嚴祇六持以投之祇六將
請業于其門也

廿七日寅刻起公服送農師往廟工防汛即往馬會勘石工川姚中丞又
奏有碍奉諭再勘故先遣行程方王汪四君先隨往予與道司

馬王三君定初朔日繼行故須送也午刻送瘦山子通入都

廿八日巳刻起出至个生廡因王曼雲來送行故往言別晤蔡君薌延于
其廡時同居也蔡君嘉興人甲子北幃副車以校錄議叙分發山東

夙見其詩詞亦尚足觀近日服闋來其眷屬久寓於此曼雲所居之
即向其轉賃者故葉相見焉小坐即回張庸晚飯後回署

廿九日巳刻起雇担子往各處辭行見馮泉河談半刻餘皆投片而歸

五月初一日巳刻起即出至个雲庸刻至未刻回署與子容等作葉子

戲于梅修西偏屋晚仍出至个庸宿

初二日在个庸辰刻起巳刻送張吳二君起身往廟工

初三日在署作葉子戲未起酉散

初四日辰刻起辭別朱徐容高司馬諸君與^王秋濤道味腴同在射圃坐

車出西門三十里至河上口^打館五十里至獨山宿送我等至廟工材

官孫^方

乘馬隨後從我之僕為余慶湯榮又小奴慶喜隨鏡

丈昨日乃叔朱春荐來且到廟工再定留去之局是日大熱夏至節
初五日寅刻起車睡行四十里過張奉又十二里至崔家集打鐘其地
並無好屋宇就草棚中賣湯餅者作殮小食即行是日為端節
乃在茅店進草具以過未免孤負良辰矣午刻稍偏車行烈日中喜
微雲急風吹洒雨點炎氣少減大覺快意行三十里至無名村小停
啜茗又三十里至冉垆宿冉子故里也日已向暮雨又未住不及訪讀
碑碣所住逆旅為客冬自豫來沛曾為个生居此案有周禮及尺
木堂易知錄頗覺繙閱亦此間罕觀之物也是日未雨以前熱甚
孤坐簿策中如蒸甑炊灶殆不可忍車中偶成二詩附錄於此一丈
紅陽一丈塵無端襴襪逐征輪綠陰樹底羣兒卧羨爾清涼累農

觸 疑云是

人又草草勞人。賍偏之足。官遊河難潤。晏子大早。迫鄴侯。噲伍已無奈。觸前良自收。修羞熱官。拚決棄。誰為錯前籌。

初六日天明雨霽。行五十四里。饋曹縣已午之間。熱甚。駐未刻行五十四

里宿舊考城。

初七日寅刻起車行七十里。饋曹考十四堡。是日烈日更酷。自己至未止。不行申刻起車行五十里。戌刻方抵廟。行李車尚未至也。借席暫卧。蚊帳不支。終夜不能交睫。漏四下。家人押行李者至。言車陷于海。使孫材官駕別車往運貨裝徹署。乃至。

初八日辰刻浴于署中新置澡室。宿垢盡。觸大快。人意浴畢。即往風神廟訪張吳二君。并晤陳升。聞大兄亦同班。舊派下北廳學習者。

也申刻微雨回館晚殮早眠

初九日辰刻與王秋濤道味腴同謁下北司馬張墨龕并拜其幕中諸友繆沈汪等即回墨龕隨來回望午後仍至陳廡晤張魯溪二兄廳尊之猶子也人甚倜儻落落大方因久有觀花之念即同升魯雲三君步往曲中遍覽之是日晤黃四兄元禮張二兄衡

初十日巳刻起飯後與秋濤味腴出館至風神廟偕个生雲巢升聞魯溪及黃君等同買醉顧曲於明月校書家晚為廳尊邀飲在席者王道張吳予與主人肴品極佳器具亦雅食憲章中之上上品也夙聞其待客以急草具今乃知人言之不足信耳執禮謙和風度亦峭雅飲畢漏將二下矣急要魯溪雲巢升聞月步茶話而歸

疑誤

十一日在風神廟與雲巢對話兩時許以諸君皆他出故也晚飯後
回館是日得子容信

十二日午後與王道諸君訪玉仙校書中人之姿善于酬應遂釀飲
於其室自理弦索琤琤可聽燕聲崑調皆足冠曹其妹玉書技
亦相匹獸飲至夜分不散桑下之戀不免為金仙齒冷雲巢作媚
聊以伴嘲

十三日在署書扇贈魯溪作答子容書

十四日午後仍與諸君步往西庄以乞漿為名遍訪曲中人双林春
玉喜容玉娥琴書等最後至明珠家素所屬意再一形相果然
明媚遂訂望後之約而別夕飲玉奴家聆音識曲乾笑而歸夜微

雨

十五日在風神廟陳庸與張吳諸君作竟日談

十六日午後無事仍作陶寫魯溪將投復分錢於玉娥同至其家
訂成之夕赴珠娘之約珠娘方上頭兩月年未破瓜頗善轉喉與
玉奴相伯仲見客佯羞尚有澁態此三曲中所罕得也者夕室寡
惟避人再四喚來復去強解明璫夜漏已將三下更衣既起生硬略
煞柔情軟語較諸曹婢似勝一籌也所居逼窄暑氣蒸人難于覓
既適魯侯俘玉而返要予同回廟廡遂偕行抵陳壘借榻對眠天將
曙矣

十七日午後陳升聞為魯溪作餞于廟廡過山西周君子席魯溪之

友也以人參三兩屬予代藏俟方雲室來時轉託覓售且為收貯交
付以俟購者

十八日申刻送魯溪歸徐州為其太夫人五十上壽前數日予與諸君
釀金製錦以祝矣晡食時後升聞乘酒強予及雲巢同步尋芳先
至喜客家徐娘竟拒方干次至蓮素家楚潤乃愛巢父也定約之
後予重訪玉奴乞一頓點心夜雨微曉海深隘足火靈庫竭呼車而
回是日甯同班飛溟自曹考特來相訪在介生廡略話衷曲而去介
生自十二日患風火脣頰浮腫養疴不出門數日矣

十九日申刻張立齋二兄以廳館蘭花盛放要同道吳陳三君小飲在
席者廳幕葉沈二君及主人三張也升聞大醉乾拳濕踢幾至爭

競夜已二漏予急與道兄拉雲巢回廟即歸行館是日大雨

二十日未刻莪丈與汪小泉自馬工先回行署探問農師渡河而南閱上下中三廳堤工約三四日內可回轅也是日雨晚稍霽

廿一日巳刻起即接到二月初十所寄家信說窘狀催寄貲三月所寄尚未收到耳又得李照表弟寄書說諸兒讀書事亦照任其福命聽其成器與否此時一身遊宦遠道安能督課也係信交陳大訓帶京轉寄前初三日有交王武弁信未收到此乃十一號也又曹祥雲託薦館書難於遠圖矣是日仍雨未刻申省吳別駕張梯仙少君張立參二兄繆執桓九兄均來望莪丈及小泉偕坐小談而去與程汪道三君作葉子戲於內館約一時許即散晚作荅次石與子

廟

容書

廿二日巳刻起午後仍與汪程道諸公作葉子戲即散申刻與汪道二君出至風神廟晤
介雲二君陳黃皆上坎矣聞趙同班鍾辰檄調來工另候差委即
廟內適大雨如注行潦遍地不得造訪稍霽即回館晚飯後浴於
窟室頗快夜作輿頓菴書

廿三日巳刻起午後仍與汪程道諸公作葉子戲未刻申省吾別駕來
館即散局小談申刻與汪道二君出至風神廟回望趙小我同班偶
談于介生參廟少選者散小泉以老羗之濁有覓覺之思遂與偕
趙黃吳諸公環步西村徧訪諸曲小泉屬目於小奴之妹予亦與珠
娘重申密契即踈陳廟晚餐後仍偕汪黃實行入曲珠玉連牆而

許

居二君東~~所~~遊予乃西笑劃疆分界各擁~~在~~娥也珠娘自理檀撥歌
送歸之曲曼聲捉拍淒入肝脾罷彈剪燈橫陳對語情意已較前
夕款洽多多餘矣以熟魏三之緣不作大體雙之媚香桃瘦骨因
蕩生憐軟話半宵帖然就枕是夕薄涼頗宜索夢~~要~~竺米題忽
為同游人喚覺紅湯~~透~~三竿急躡屐而歸

廿四日辰刻介生雲巢來署對本已刻去日中至仄觀書聚談申刻出至
風神廟晤張吳趙陳即在彼哺食而回是日吳小筠自祥河來作書與
忠王民

廿五日辰刻起楊五樓邑丞來署相訪現任濬縣丞向亦以筆墨因緣
與莪文同幕者在館後作葉子戲申刻去出至風廟^神而回

廿六日辰刻起楊君仍來手談至未始散即與小泉偕出看花即返亥子
之交農師自儀昨工所發色封來因彼處有險命汪小泉及王秋濤
星速前往并札調道味腴到彼另候差委已將味腴委署湯陰丞同
日發札其當有自也

廿七日辰刻起送王汪道三君往儀昨在署者唯予與莪文二人巳刻楊君仍
來飯後作葉子戲少選即散申刻出至介生寓晚飯是日墨龕司馬送
點心四匣予與莪文公受之連日酷暑熱不可耐申酉之交雲雷布勢洒
雨數點即止而炎蒸少殺晚風微涼想已降澤近方之故耳

廿八日巳刻起楊君仍來小談即回濬矣申刻出至介生寓與張吳陳作
葉子戲黃昏與黃君至玉奴珠娘家小坐即回仍作手談三鼓始

散即宿于張壘

廿九日巳刻起飯于介生寓未刻回館得小泉書言儀隹工險搶護無虞稍為放心也色封寄索書稿六起明日為之早眠二更許雷雨數陣將曉霽附偶成詩一律無端絲竹感中年作意尋歡三曲前釀飲每携賒酒券換歌却擲賣文錢那無街子更衣護猶有官奴擁被憐白壁此瑕休指摘閑情一賦至今傳又五言一律兩氣濃於酒花香泛若潮偶然隨客意度此可憐宵蟾魄半金鏡鴉鬢雙翠翹索郎好牽師眉語已相招

六月初一日辰刻墨龕司馬來館黃君元禮隨來予尚酣寢未晤巳刻辦公事畢與莪文談未刻浴於西新室申刻出至介生寓縱談

理勢以破諸君不定之疑天下事固不能過一時過一事即搖惑而思變者諸君固無定識見也酉刻偕張趙吳及黃君^遍編閱羣芳用逞眼福即回陳君壑堂河魚疾劇不與遊是夕宿于西館靈和柳眠浮屠桑戀知不免為拘墟者所郵暢我^護充亦無怛焉

初二日坐榻酣睡及午而醒申出酉入夕室早息是日小農師自儂睢回廟工一轉即往馬營坎因彼處報險也王秋濤方雲室王子敬汪小泉皆于入定時回署雲泉仍隨往秋子留館不去酬應少話人人皆疲漏纜下均就枕矣鄭別駕勗來拜

初三日巳刻起申刻出至个生寓^刻談^至晚飲于彼天氣偶涼即回

初四日巳刻起早飯後即出至个生寓^刻談^至晚飯于彼天氣偶涼與雲

巢偕步蘭開游時燈上時回館夜作家書鄉心旅思交集腕下殊
難為情也漏四下方就枕大雨傾盆徹曉不止

初五日巳刻起飯後浴於西室詣莪文談片時申刻出至風神廟小
話即回哺食後仍詣三君寓雷雨又作傘履而歸過二玉君坐話
昆虫物理五六刻許始回寢

初六日巳刻起未刻出至今生寓即回申刻農師自馬營坎回蘭廟成
刻方汪二君隨回早寢

初七日寅刻張吳趙三君來館對本予巳刻起即覺胸膈不快隨即
破腹大瀉自午至申八九次登行清所遺如水哺後加劇晚飯強餐
驟坐大吐身子疲乏之至昏卧一日夜亥子之交大雨傾盆微旦始止

初八日午刻始起農師已起身往儀睢方王汪三君隨去吳雲巢亦
奉命前往未刻張陳趙三君來看予疾尔時服神麴湯已小
瘳矣申刻力疾辦公事畢神氣清爽腹疾亦止即出至今生寓
在彼食乾飯碗許二漏始踈

初九日巳刻起仍食粥碗許申刻出至今生寓哺食於彼戌刻回館亥
子之交大雨如注溜喧徹旦

初十日巳刻起天仍陰午後始霽申刻作二稿畢出至今生寓哺食于
彼與陳趙諸君談至戌刻回館月色微明涼意逼人是日候補
道李防汛到下北住東館

十一日巳刻起讀明人胡元朗四友集叢談中多說明人雜事及

得

經史書畫精奇辨疑自據已見頗有可采亦一家言也申刻出
至个生寓即回戌亥之交大雨夜半雷電子已就枕小眠為辟歷
驚覺展轉不復成寐偶作一首暑氣蒸人手扇忙慢自膚由
猶自汗如湯忽然雷送連番雨巧覓風餘一覺涼夢亦都成清
淨境身如真卧水雲鄉醒來坦坦渾忘却不信人間有熱場

十二日巳刻起讀津逮秘書內有數種即漢唐叢書中所有亦有
未曾見者如齊民要術之類午前少霽午後仍陣雨連番申刻出
至个生寓即回

十三日巳刻起飯後出至个生寓借車將於翌日往蔡家樓回看甯
嶠山同班也晡飯于彼二漏後回館是日得小泉二次信知吳雲巢

已派中河防汛農師於本日自傢睢往下游查工旬內可回蘭廟各
工平穩心甚欣慰

十四日辰刻起借个生車往曹考之蔣家樓訪甯嶠山二兄適遇其來
蘭廟訪我恰恰相左慳此一晤之緣也因過訪雍筠亭別駕張墨
龕司馬適亦在彼同飯交談剪燈折聖其款洽未刻張司馬先殊
予與其幕友夏仲平周蕪山閑步河滸菴室中有尋常花樹亦
且休止軟語以消旅晝焉珊緣者自西村初去姪娥土著於彼幕
中人楊君先在相與據梧擘瓜游談半晌復回雍別駕局室對
語至暝固留晚飯月上時始回車西折到館更許矣

十五日巳刻起飯後出至个生寓與陳張及鄭勉參別駕手談及晡而

散是夕三君各以其厨菜來饗而食也頗覺適口未申之交大雨
傾盆廟中墻屋圯者數處戌刻鄭君先去予留話半刻回館

十六日巳刻起午後出至个生寓即回書扇送立空梯仙

十七日辰刻起鄭礪堂別駕來邀由吾即出至風神廟與鄭君及
張趙二君分局而戲晚飯立空餉燒鴨二枚食之而飽燈上時忽
動遊興約黃君為導師從東面野田中褰裳踰溝辨色覓徑繞
二三里許始至西村仍訪珠娘於舊曲折聖對談彈弦小唱亦復
情趣不惡漏四下始就枕荻室布帷熱不可耐展轉至曉而回其來
十八日辰刻踈空小卧午飯後仍呼宜樹趾離以有餘補不足也未
刻農師由下游查工回接謁於二堂申刻方王汪三君皆回館

十九日辰刻起辦公事多而且冗自晨至晡始了晚飯後與小泉同
至个生廡小坐即回是日接家書係芸石母舅所與家中待需
至急命自都城匯回溫郡即由瑞荷叔轉免書係三月初六日
寄交荷叔帶濟渠于四月送鑑湖眷屬至保陽即來京投供
也又得鄭湘畹書知在何家設帳方雪盦之舊主人雪盦已選海
寧廣文之官矣又得張蕩洲書知仙直於六月起身入都并索予
風逋此時顧身顧家且自難兼安能償債而去此項又係去歲出京
赴東借作資斧者情理皆宜措還奈何奈何內顧既急外逋亦復
難緩欲向諸廳沾溉耶平生守潔不願丐餘潤以污且亦太疎無
由吻合也欲向府主調劑耶外差無可多取者且不宜於吾輩事

既有類于熟中物又不足以肥已故不為也欲向同儕假貸耶或
澁囊似我或交契不深且亦無此許多白選供予抽那將若何設法
乎再四圖維諸般棘手計惟縷陳衷曲請長年王老代為我計
或者官達之基既藉提携緩急之數亦資排解也

二十日寄張蕩洲信并託帶家信五十字號

廿一日巳刻起作信寄子通交摺差帶京

廿二日辰刻起是日午時立秋早晚涼颼輕扇似有秋意張墨龕司馬

送席以款幕中人甚豐哺食大啖畢出至个生廡即回

廿三日辰刻起个生少我來館對本午刻去戌刻與方王諸君狂談

大抵皆諧詞劇語也子刻始寐寢

廿四日巳刻起接子容泐署來書并接子通瘦山都中王廣福斜街
玉極^卷厲信子通考職未得轉為之喜此非渠所就之功名也既塞
旁徑專心正業榜花總可期望庶副尊上之企切也

廿五日午刻農師往儀昨查勘要工拜摺後即起身南渡申刻與小
泉出至張趙厲晤鄭陳二君即散步西村訪舊訂約夕飲于珠
娘家食薄蒸而飽渠玉子珠各襲窠白而觸發之夜涼頗宜軟
語唯苦蚊不知禮入幃而嘖揮扇逐之營營竟夜也

廿六日晨至風神廟即回于後繆汪黃諸君來此一時許始去

廿七日巳刻起辦公事畢為鄭礪堂別駕題添香圖五言四律附錄
於此挿架三千軸橫門十八繫烟光檀几上風影竹繁間古色惟

彞鼎餘聲此珮環自留腹味在采伴亦歡顏一好麗殷勤意玲瓏仙館開安排玉太古消受化樓臺粉指羅紋印檀心卍字灰濃董問司馬可讀漢書來二妙絕泥中對曉壺伴最工寓言誦秋水真宗青衣女童也語諧荅春風郭冠軍家婢名善奴聲石墨双丸綠金缸二等紅夜米香篆結霞氣滿房櫳三小雅材如此風流軼禮堂月波通戶牖雲樣想衣裳柿葉書無對蓮花漏未央定知勤摘槩為注水經忙四晷日大雨陣雲如墨溜響不絕

廿八日巳刻起農師來信自儀睢即往中河因彼處報險故也并命邀方雲室王子敬汪小泉三君即去未刻送三君動身即出至个生寓鄭礪堂亦在彼同話少時鄭君先去予留哺食陣雨又作

自辰至此聯續未止戊刻回館秋濤以子容信見示則司馬頽菴
以廿五日溘逝矣朋儔訣絕聞信悵心共幕盤桓凡九閱月其人
孤潔自好頗耽風雅岑苔契誼尚屬相投在府中時相唱和亦間
有吾我~~之~~周旋之處同塵中不可多得雖其疴恙殫蹠明知不復永
年而不意如此之遽也隙光電逝老淚不波中夜~~插~~膺為之一噲

廿九日辰刻起即出至个生廡因鄭礪堂夙約此日至其旅館具饌為
供也已午之交濃雲驟雨已沮興將不往未刻少霽乃與个生同車
涉濤而行所館在銅瓦廂河神廟去此十許里剛及門雨又作繖蓋入門
主人待之已久地有高樹軒敞納風脫衣料頭相與娛戲食蓮藕之
屬當風作葉子戲陳豁堂與焉晡時又要吳四翁至張墨舍龍之

許

戚在工廠幹事者四賓一主圍坐廟廷食品頗豐已暝乃散仍與个
生同車回寓

三十日午刻始起申刻出至个生寓漏二下回館和趙小峩雨中感
懷詩二律附錄于此

七月初一日辰刻起閱周益公玉堂叢記及焚椒錄錄異記等十餘
卷申刻出至个生寓戌刻回館

初二日巳刻起未刻與秋濤同出至廳署與墨龕司馬談半時許順
至个生廡小坐申刻礪堂通守來相與諧噓大談共飯于樹陰戌
刻各散回館晴

初三日巳刻起午後詣內館與莪文談申刻出至个生廡戌刻回館

初四日巳刻起作書與吳小筠墨龕司馬來要哺食未刻繆秋舫偕徐誦甫來小坐即去隨與秋濤同出至廳館則陳趙張三同班先在馬主人以督抄埽工不及相陪命猶子代之肴品甚佳就中活魚炮鴨尤為鮮美可口食之大飽燈上時聞農師回轅遂與秋濤先歸府主以漏下至方王汪三君隨至則漏三下矣

初五日辰刻起公事甚多畢日未辦餘批荅三十餘件以俟翌旦了之夜熱多蚊眠坐皆不甚適也晦日遣役往汴有所購易此日始回未得應手須再一往也

初六日巳刻起辦公事畢與小泉同出至風神廟與黃君作賀權闡官於棗林也隨往个生廡礪堂先在作葉子戲觀局半晌哺食

而回

初七日大熱在署辦公事晚出至个生廡即回

初八日大熱在署辦公事晚出送黃四兄往濟即回

初九日巳刻起天陰小雨

初十日巳刻起為繆秋舫九兄題澄江歸棹圖五律四首附錄倦客

蓮花府踈裝竹葉舟早迴千里夢却滯八年遊旅語憐金注鄉

心怨石尤漫將雲樹色寫作故園秋一羔雁諸侯聘爭聞說瘦賢

鑿行塢流法貨筭水衡錢楚北公孫槃周南太史遷都緣能者

累羈屑又年年二極憶毘陵驛烟波卷畫開瞰江双樹出喚渡

片帆來思婦樓前柳征夫榻下苔故鄉真个到遠作卧遊猜三

我亦秋風客言愁始欲愁徒勞故車脚莫折大刀頭觸目丹青引
驚心汗漫遊君看白雲下同是古揚州

十一日雨不出門

十二日稍霽與小泉出訪介生小坐同回

十三日辰刻起是日農師往衛糧一帶迓送羅中丞入都未刻與汪小
泉同出至介生廡遇王忠民鄭礪堂二君小談隨與忠民小泉閑
步西曲各訪舊人阿五與文君久不相識定約迓客而留之夕飲于珠
娘家文君書仙亦至相與狂謔雅飲漏二下各散就所約而往宿
焉

十四日雨昨夕即已飄洒及曙道塗已淨因就晨餐命人來館駕車

而往已午之間冒雨回寓適農師自衛糧回館

十五日晴已刻起心有所鬱甚悶悶也

十六日晴在館辦公事

十七日晴在館辦公事是日朱菊儂承壽進館

十八日晴在館辦公事

十九日晴聞豫撫姚公解任之信人人皆有喜色以其天資刻薄、故眾怒如是也是日童茶莊六兄來

二十日晴作書與張浦自道其心中積悃孤寒之士難于振拔自揣生平不知何時稍能自立也寄身薄官回念家庭此時老親支持貧窘何以為家怛怛于心縈鬱萬狀

憲

廿一日作書與子容并寄都中子通信又與張蕩洲書交摺差帶京未刻與小泉茶莊雲室同出至張司馬處小談遇王伯陽鄭秋莊之戚也旋回風神廟晤張趙二君今生病瘥頗重請假調治

廿二日巳刻婁道憲來館至坐小坐而去即與小泉同出至道館謝步過个生廡問病而回

廿三日寅刻起是日為白露節農師祭神回館與小泉同至棚庭道喜畢辰刻農師起身往曹河查工與申別駕立送小泉與秋濤子敬隨往申刻出至个生廡晚飯而回未起更即睡矣道大兄來不晤即去

廿四日辰刻起出至个生廡午晚飯于彼戌刻訪舊金方呼趾離、
而攝摩豎也

廿五日在館辦公事一了節下之事不出門夜早眠

廿六日在个生廡晚飯即回朱菊儂是日到館

廿七日在个生廡晚飯後與小我散步徵歌於舊人家燈上而回

廿八日在个生廡早飯晚飯夜見豁堂知府主明日即回館也是日書所
作球場行于紅箋以贈珠娘託朱菊儂付匠潢表成後再持與之
聊志一時之爪印不嫌狹邪之汚名也夜小雨

廿九日未刻農師自曹河回館小泉諸君亦偕回是日馬大令廷萱
自儀睢來節館即寓對館屋

八月初一日巳刻往道館回望沈夏諸幕友

初二日巳刻晚饌持螯小飲是日鄭礪來別有齋役也

初三日辰刻起戌刻與泉君潛出陶寫辨色回坐

初四日巳刻起辦公事畢作閑情詩一律

初五日辰刻起申刻介生少我招飲陪餞鄭礪堂也預者汪方馬三君踈

坐漏二下矣

初六日雨不出門朱菊儂為刻孟平手書圖章甚佳

初七日辰刻少我介生來署對本子卧未起起則去矣雨

初八日作書與子通及瘦山託買京物交摺差帶致雨

初九日朝晴晝陰夜又雨

初十日子時秋分已刻起未刻與小泉同出至个生廡小談即在彼晚飯
燈上時回館雨聲徹夜心緒甚惡不復成寐展轉直至五更成一律
一志感錄於此永夜天如墨孤生枕簟寒秋懷**牽**夢短雨味逼心
酸斷雁頻年淚慈烏故國嘆茫茫交百感聽徹漏聲殘

十一日已刻起雨聲不斷天氣甚寒午後與馬汪二君作葉子戲

十二日雨河水驟長至丈餘農師以行館去河稍遠移節駐曹考之磨
盤坎冒雨驅車賢勞可見當蒙蒼蒼之鑒永得平成之福也是少
偕泉君出至个生廡晚飯涉渚呼薄笨而西各訪陳人以紓鬱抱
十三日雨甚農師自曹考往韓小坡因有頑氓鑿堤之事召汪方王
三君至行轅即束裝而行時將申矣

十四日稍霽未刻出至个生廡晚飯而回是日作壬字六號家信交朱

紀帶蘓託梁清泉轉寄其中所言皆在此間之實在景况也

十五日巳刻起與同幕諸君賀節午飯後出至个生廡小談廳送席中

踈飲于上館是日自晨至晡陰子丑之交西風數陣一捲雲翳而空

之月色大明時已睡矣作詩一律錄此客中今夜月第十九回圓

節序秋到半鄉關路幾十賓朋親旅席兒女憶家筵漫說陰晴共

江河各一天

十六日辰起天大晴忽見黃綿袄子如得珍異物也可見人生世上凡百事

皆如此飢食渴飲何莫不然成刻自曹考回館方汪王三君亦回里本

思寫意抒懷因此而止月色皎潔碧天如洗

空夜望對月有作
口自夜銜梳後復
弓令口圓我與心同
洗成鏡兼白雨掃盡
雲口昨夜風一氣聚

光口對照萬星歛影
遠行空分明大地山河
口容得知規寸景中

十七日辰刻起南河候補同知王豫康來參予未尚盥櫛不及相延也申刻出至个生廡因个生與少戕奉北道檄看守道庫移住道館**婁**觀察及其幕友均已回武陟矣緣沁河泛溢民塲殘缺水圍縣城故也小坐即回是夕月色仍皎潔如昨

十八日在館辦公事

十九日寅刻農師往祥河查工晚飯後閑遊寫閱

二十日辰刻回館小睡即起

廿一日

廿二日晤王之謙同年於道館號地山陝人丁丑大挑濟寧州判

廿三日

廿四日

廿五日辰刻農師因沁河泛溢北道已請豫撫程中丞臨視亦即前往會勘方雲室王子敬同往申刻散步金方寫情璣采

廿六日巳刻至介生廡早飯是夕為小泉君作東道主人邀同介我及菊君醵飲于珠嫌家申刻偕往菊君為墨子所留不赴約暢飲甚歡夜分各散予仍攝登伽之席難免宿留之譏矣

廿七日巳刻回館代人作札二通夜分小飲早眠

廿八日巳刻起未刻與小泉同出至介生廡隨至廳署家墨龕司馬出所購書畫冊相示中有佳者堅留晚飯遂與菊儂小泉立坐及楊吳諸君散步一番仍回廳署陳同班亦來飲至二更許而散

廿九日已刻出至个生廡未刻仍踐秋諾以暢春情夙屬家子膳宰具
二品肴用備少餐對食甚飽獨聽四絃清歌欲至漏三下方就枕足成
前後遊詩二章錄此西風吹過木屏香暢好先陰半夕陽款段試
騎三尺馬咄嗟就食八分雛姬踏臂巡歌席竊客遨頭借酒香鄉
誰學南朝沈昭容與人努眼辨痴狂花禁初開足護持單衫小扇
劇相宜偏無酒量勝蕉葉剩有詩懷泥柳枝月上一眉簾影見
風來半面篆烟知閑情且自消岑寂判白杜紅別有時

九月初一日未刻農師自馬營坎勘工回蘭館我丈持子通聞卷來
相示軒豁呈露提此更為一篇驚策試帖清新妥貼風簷不可
多得入彀可望唯別頭之試中額太少此則視乎祿命矣

初二日巳刻起未刻子通來坐忽不意其來此甚喜瘦山亦至更出
望外相與叙別後情事酬應叢雜未暢良覲之歡漏下至東
偏廡坐談至三鼓通子出別後所作詩十餘章相示

初三日辰刻起雨不出與子通談瘦山後至暢所欲言甚快心也

初四日雨晚間醵席為子通洗塵瘦山與馬鑒泉朱菊儂陳莪亭王
秋濤以能飲酒在上館設席農師作主人予與申馨吾方雲室汪
小泉王子敬諸君在外坐共為主人因子通不能飲故以類作主客
焉漏二下始散

初五雨在館辦公事與瘦山子通談

初六在館辦公事

初七在館辦公事

初八日午後送瘦山子通先回泐上申刻農師往衛糧一帶候送星使是夕出晤潤卿即夕宴焉

初九日巳刻起回館至介生廡晤寧王勞盛諸君

初十日霜降節寅刻起道喜并晤莫朱諸君

十一日午刻自蘭廟起程回泐農師與陳姜方王諸君先於辰刻動身予與王秋濤朱逢祝汪小泉稍後以旅次地窄容多人也張

魯溪梯仙等送上車行五十里住曹考十堡晤筠亭別駕談至四鼓始就枕

十二日住曹考楊家坎館在大堤上風緊月明夜分始寢

十三日住曹河六堡 廟夜不成寐有懷舊遊偶成一律錄此

十四日住糧河二坎廳署在馬公館雅潔晤廳尊沈滙東太湖藉清
江人人甚豪爽豁達似庸中之鉸鉸者饋餉豐美與衆大嚼因
過此無邸舍遂宿焉

十五日過單縣乘夜行至金鄉西關邸舍宿焉水潦遍地車幾陷于
濘者數矣半途雇鄉人為導曲折勉行僅而得至王汪二君失
道不來次日始知其住于馬里集離金鄉十五里亦為濘阻強止
村舍眠食俱不適也行路之難如此

十六住金鄉縣西關邸舍一日因無船可渡是日晤孫孔二君亦自
豫赴濟者夕無所事閑步城中覓花而觀孔君為介見玆兒者

雛髻秀麗桃頰梨渦蘭曲中竟無其比擬可惜
太生疎時復
忽促竟未得作郵亭之唱足見摩
片席都是定緣也

十七日傍晚上小舟行二十許里野宿

十八日將渡南陽湖大風不敢揚帆枉道至南陽關至屠子垣二兄
聞官署借宿主人盛設以款之并招女伶金和玉和以侑觴貌不甚
佳而歌喉宛轉稍足動人飲甚歡暢漏三下與花同載蹈月登門
下榻於石樓之上徹夜唯聞邪許之聲未就趾離之夢也是夕與
北回行三君及蔡鄉延并道幕孫君

十九日換舟行運河三十許里至新店聞借宿于開官陳繡夫六兄
署中主人偶恙少君出肅客舍卒相擾蝦肉酒菜大飲枵腹感深

感

于三七五卯之饋也

二十日午到署農師已於昨日

奉到

批迴實授河東總督頭銜二品珊頂

加冠積勤所得理固宜然入署即與同行諸君詣書廳道賀畢往看
錢文及問瘦山子通兄弟輩則俱往沈小岩家作賀令嗣子少年成家
之喜也戌刻始回相與晤言即早就枕

廿一日

廿二日農師往東昌一帶查勘運道午後出署至小岩處道喜留

飲至夕始踈

廿三日飲小岩家六橋在座

廿四日

廿五日汪小泉邀飲

廿六日與子容農飲小岩家子容作主人也座有德林

廿七日託袁樹卿寄家信

廿八日

廿九日

三十日馮秀森別駕留飲與張雪樵鄭礪堂同席

十月初一日回拜運河捕河泉河二廳即回

初二日農師自臨清查勘運道回署

初三日

初四日作書與墨龕司馬索文稿也

初五日作寄蕩洲書并附家信由京帶去言專人之事且待再計也

初六日巳刻農師往韓莊一帶查勘運道是日程莪文姜君南歸

初七日

十一日農師自南路查工回署接于二堂

十九日出南門送張介生往蒲台縣乃姪處張羅為需次計借查水差
而往也

廿二日署中諸人醵錢為雲室餞行廖十三裴舟代置酒肴即就其
寓設席飲至二鼓始回

廿三日辰刻與汪小泉同往見張大山廉訪小坐為置致楹帖一聯
回至黃元禮兄處一轉即回

廿四日午刻與同人往方雲室寓送行即回

廿五

廿六

廿七

廿八日與同寓諸君往汪小泉家祝壽觀劇三鼓始回是日午前農師來此小坐而去

廿九日聞雍筠亭別駕來即往訪之小坐隨至小泉家拜壽母本日誕日也觀二齣即回是日中馨吾別駕來署

十一月初一日接家中八月初二日芸石舅父寄來家信說家中一切知長男新婦已妊身五月婉期在明歲正月有抱孫之望矣唯負

不可過須寄多貨以濟耳

初二日

初三日

初四日發壬字九號家信借韓巡廳官封遞至永嘉縣徐公雲發轉交
并作信致徐公懇其後有家信借伊官封寄至本署交韓君轉付也

初五

初六

初七

初八

初九

初十日長至節寅刻起站班道喜申刻宴於挽洗樓下

十一

十二

十三

十四

十五日童茶莊六兄來署申別駕糧河

十六

十七日寄壬字十號家信借裴舟銀貳佰兩交本地大成緞店寄蘇
交郭花村大兄專人送至溫郡以濟度歲之急大成及郭君皆
裴舟之交好也

十八

十二月初一日

初二日

初三日接到家中九月廿四日所寄書九舅舅筆也家中窘極將有
賣宅之舉謂年下外寄二百之外尚少三四百金開發事亦無可如
何此間力不能多寄其奈之何明歲當再作計以供薪水耳又得
九舅舅乞助書及三妹札言其苦况手足之義分所當助特目下實
不能為力悶悶積日

初四日辰刻王劉二君來對本張个生自蒲台回泖

初五日巳刻出署至南門外晤張个生至申刻回是夕作家書并與

芸石育山芝庭

初六日發壬字十一號家信用官封寄永嘉徐明府轉付

初七

初八

初九日寄書與馮秀森別駕

初十

十一日和于邗山司馬咏雪尖大韵詩二律雲樣英英月樣纖最鮮
明處最清嚴縱談落甚盡霏霏屑和曲翻未昔昔盤鹽喜麥苗
肥羣擊壤憐梅花瘦獨巡檐且拚狂醉呵吟管酒氣如龍出指
尖長安卧客縮如鴉曾放情懷對麴車鏡水夜迴舟一葉玉街晨

臨馬三花分無功業隨裴令虛有文章擬謝家今日洛陽留守幕

目空伊闕手徒叉

廿六日接督字七號家信係十一月初三日芸石母舅所書

正月大 初九雨水 廿四驚蟄

二月小 初九春分 廿四清明

三月大 十一穀雨 廿六立夏

四月小 十二小滿 廿七芒種

五月小 十四夏至

六月小 初一小暑 十七大暑

七月大 初三立秋 十九處暑



流

三年

八月小 初四白露 二十秋分初卯

九月大 初六寒露 廿一霜降

十月小 初六立冬初未 廿一小雪

十一月大 初七大雪 廿一冬至正亥

十二月大 初六小寒 廿一大寒

癸未正月初一日寅刻起謁賀 府公與同幕諸君團拜於二堂午後

觀寶得采

初四日府公設宴延請幕中人吉祥班演劇飲於二堂漏三下始散藝流供奉內幔星子歡喜頭等皆集於座頭壽陵學步薄媚可憐若不與冷將息未免隨和亦且偏枯因與秋逢二君

二

濟

有合璧同袍之贈焉

初八日出署拜客午餐於介生廡同班寘皆山山兄自曹考來泲、
同飯於彼借與龍威秘書二套并託寄筠君札次日即回曹考也
是日晤者莫我村司馬及劉清漪王曼雲

十二日辰刻送農師往泗水查泉夕飲于韓紫堂家

十三日夕飲於汪小泉家

十四日夕飲於廖裴舟家肴饌甚精潔侑觴者雲子也同幕諸君及
少君輩皆與焉飛觴度曲頗甚歡暢酒闌以往桓野王高歌素
彥伯狂叫幾乎有相哄之事呼飯促散步月而歸

十五日午刻旅接農師於二堂夕宴於桐竹山堂

十七日辰刻張介生王曼雲來署對本

二十日辰刻開印謁賀 府公舉觀劇於二堂夕宴於桐竹山堂是日
汪小泉出署赴曹單邑丞任

廿二日巳刻送農師往河南查工從者王沈二君道味腴邑丞亦即於
是日隨往申刻韓紫堂來坐小談而去

廿三日申刻出至介生庸晤二龔及王地山陳繡夫夕飲於劉清濟家
同席者莫少君韓紫堂廖裴舟也席間裴舟出示郭花村信
知去腊所寄二百金於十二月十八日由蘇專差至溫想遍除可到
不致參差也

廿五日申刻與菊懷步至裴舟處因有看花之舉遂訂小飲之約也

坐客次半晌主人愛姬始為之妝飾而出碧玉之年蓮步瑣瑣身
裁肌理亦尚不惡口鼻位置均屬平正而橫波一睨似無秀媚之
致意其或蠢而悍也無所取焉

廿七日劉清漪邀觀劇於南關外永寧會邸夕飲於其家同席者鄭
礪堂錢文源張个生也

廿八日早飯於鄭礪堂西關客邸夕飲于个生廡與北漪礪二君漏初
下即歸

二月初一日

初二日巳刻出署至南關个生廡兩餐而踈

初三日申刻與菊儂裝舟散步街市閱列肆骨董衣裝將至南關而

臘

回夜作升字第一號家書交大成店帶蘇託梁清泉轉寄

初五日出西關回拜沈滙東別駕不值至个生礪堂旅邸小坐而歸

初六日申刻與菊儂同出西關望个生夕飯於礪堂邸早歸天氣甚熱

初八日大風雪入夜方止驟冷仍篝火着裘

初十日作復札與願下南寄壽文去前以此見屬轉請瘦山為之稍

加芟潤以塞責雖不甚麗密亦尚可觀

十一日申刻接農師於二堂秋濤渭賓小泉諸君均亦隨回

十三日夏表叔禹源潘表叔石渠自家鄉入都迂道來濟相眎帶有

家書滙數十金來係客腊家中用以度歲者雖羅掘付之此心安

焉老僕李貞益隨來細問家中情事甚慰遊子思家之懷漏下

回署

十五日辰刻農師往泃河廳屬查看石工午刻與秋濤菊儂裴舟赴
个生小飲之約鄭礪堂預馬漏下二點偕回

十六日夏表叔先行入都貞益隨之約其夏仲至此措貲以接眷屬也
夕宿於潘表叔旅邸詳問鄉里親友近况頗慰懸系潘君以往廣平
郡守家鑑湖堂叔署故留此別雇小車以行聊作周旋亦并鄉難遭
之事

十七夕與王朱廖張四君飲于鄭礪堂旅邸漏下二點始偕歸

十八午與秋濤裴舟菊儂渭濱小泉驟錢設席於裴舟家餞朱鍊
門徐餘圃及子高南旋并延瘦山小軒子通子容作陪客飲至二

更後始散席間以元寶為酒通草蓉花各挹影質愛糞堆之如願
爭醋溝之侯身醒眩側睨鼻刺天馬

十九韓紫堂代雇薄笨一來送潘君北行晨飲于龔州同家名士之
子介生同鄉向識其仲兄於京師人頗誠篤屢邀故赴招馬飲畢順
道問嚴次石病而踈

二十日未刻接農師於二堂接催工檄

廿三曠錢設席為農師祝延觀劇于二堂

廿六日農師往中山店接程月川中丞是日送子高及錫門餘圃南歸
先至西關訪介生礪堂不值隨往南關舟次小話而歸發升家二
號家信交子高帶杭轉託高瑩若寄溫書中說接劉姬來濟事

須待七八月起身也

廿七日作文壽農師駢詞祝贊以古名臣為况雖一頁例設似稱揚稍得體也託裝舟以二十金購小圍屏磁青紙泥金書屬菊儂捉筆索道邑丞十二金潤之

廿八日專人持檄至祥北二處發稟與妻公并作書與馨吾別駕轉屬嗑潤亦問上壽之禮合并奉獻予但製文購屏餘俱渠置也

三月初一日接家中官字第三號家信由永嘉令徐公處官封寄來係正月十九所發四十日到此亦尚不滯客腊所寄二百金新正九日方收到家中自老親以下均平安歲尾挪貸度年尚不至十分逼窄內子夙疾亦已少差客子聞之此心為之稍慰焉迎接桃葉之舉本

以二月為期因貞益來此傳述 慈教緩至季秋今此札係芸舅
所作言持贄去即使來辰下已不及專足南下且將往豫防秋難
於排比寓舍什物前信已復陳之即當作書再申此意耳

初六日送壽屏如意酒燭以壽農師均收屏係予購如意酒燭等皆
申馨吾所脩也是日得下北復信并寄遠委牌俟完工時會銜消
差所託之事須待後信大約不甚菲薄聊以潤枯亦無奢望也
初九日辰刻送農師往河南查工并防桃汛偕去者王秋濤王子敬及
汪小泉也午後與菊農同出西郭訪鄭礪堂談一時許遇錢泉
河來同話又一時許小雨即霽借車而歸夕為二少及同館諸
君驀飲予未出白選亦與紅餐飲酒三四盃微醉漏下微雨瘦山

小軒菊農及二少均來坐小話是日發升字三號家信并諭斌
兒一帖由此地專差至杭仍交高四兄轉寄

初十日未刻與朱菊農全出至鄭邸閑話夕就餐焉漏下即回身熱
鼻闕頭岑岑然不可以風時行之疹氣也衆人皆作而亦及我歸坐
即就枕蒙被取汗展轉徹夜不甚安帖也

十一日養病不出戶早食双弓米一甌及午小愈然頭猶作揚子雲之
眩腰猶如嵇叔夜之痹也靜卧半日讀丹鉛以代醫方餐米囊以
當葯餌抵夕而差矣

十四日農師誕日辰刻公服以祝早飲於挽洗樓已刻得郭花村處
寄銀差回家信知斌兒新婦於客歲十二月廿八寅時娩身生一

男孫

癸未甲寅
戊辰甲寅

承丁綿衍足博

堂上歡心亦可喜也芸石舅代札知

三兒今年附學在伊館適與遠議符合兼得汝坤妹文書及李照馬禹欽項甌峯附候片子便當附荅之信係正月十一所寄官字第二號并香魚一色伯厚妹文所贈也未刻又接杭州寄來官字第一號信中有堂上手諭敬悉一切當即作稟復寄也夜作家書至四鼓方睡并與伯厚芸舅書

十五日發升字四號家信借韓巡廳官封寄與永嘉徐明府轉交并與徐公書

十六日因同人索湯餅之筵借裴舟廡設席以飲之同事之外并邀素樹鄉子容之妻兄也飲至漏下回署酒肴之費恰用大錢十千

十七日飲於挽洗樓司閻陳老翁子婚答賀之筵也

十八日未刻與菊農同赴鄭礪堂之招于邗山在座劇談風雅以詩稿見示妮妮者皆詩畫之緒餘溷濁之場得此亦所罕有漏下偕

回署

十九日辰刻接農師於二堂秋濤子敬小泉偕回小泉即於是日出署赴邑丞任

廿三日農師設筵演劇延請同幕以答賀壽之禮飲至漏三下始散廿四日申刻出至鄭礪堂廡小坐即回接个生札現在曹河監堡與宜亭司馬相得甚歡約四月初旬方可旋沛也

廿六日為程繡夫之母陸作八十壽文章草率之課販賣自己舊文

聊以酬應而已脫稿即寄與之復蕭下河書亦為其祖母所作
百齡五代徵詩啟誣諉已久不可却唯以緩為為辭五六月間終
須捉筆也

廿八日夜農師命作謝賜御論摺即夕而成錄于此欽惟我
皇上道煥乾符言專皇極揭修齊治平之要本直內以勅幾接
危微精一之傳用建中以康度學惟時敏探原於帝典王謨儉乃
日新合揆於聖經賢傳仰見躬行之廣運志由心法之昭垂觀
成之化用專見道之文式煥曰欽承寵賚敬繹宸章惟思以誠戒
欺信矢身心之畏慎勉冀勤能補拙稍酬高厚之恩慈云云是日
專足万順至下北與申別駕書

四月初一日

初五日出至鄭邸即回

初六日万順自下北回署接申別駕復書知分潤之賢尚待下旬方可如約也

初八日汪小泉來署辭行赴曹單邑承任

初九日與菊農同出小步因至鄭邸略談因方雲室自南來已至署即歸迫叙契濶以申友情

初十日與方王朱同出至小泉家送行不值隨至鄭邸晚餐而歸雲君別訪友先回

十二日與同幕諸君赴韓紫堂飲筵特招方雲室王子敬二君洗塵

之席予與菊裴杖三君旅而非客也者核甚精漏下方歸是日
聞嚴次石州同之計久病已可忽然溘逝不及中壽殊堪惋悼

十五日與同幕諸君出至蔣叔同別駕處賀壽并吊次石即回于輔
堂索水竹眠琴圖行看子即為題二律增錄於此別開詩世界高
卧綠天時混沌仙人譜玲瓏學士詞日排千个字風戛七條絲此即
清涼散閑身可自知 我愛清風客塵勞一笑忘歌詞常獨鹿畫

本且相羊位業陶都水功名范履霜相期在千古况是少年場

十六日子生日幕中同事諸君方雲室王秋濤鄭瘦山王子敬朱菊
農廖裴舟沈渭濱吳小軒子通子容二世兄剝飲為予壽早湯
餅晚筵席盡歡而散

十八日申刻與菊農出至鄭礪堂廡小談仍到裴舟新寓相度房
宇較勝舊居順道過魏月東旅店讀書而歸礪堂贈筆

十九日為子通題葵花黃蝶畫扇西園夢醒夕陽過**栩栩**微風在素
波恰是儂知蝴蝶意水**蕩**花上晚涼多

二十日作謝 賜藥錠摺時錄某日奉到 御賜太乙紫金離宮鹽水、

蟾酥等錠當即叩所祇領訖伏念 臣職司水土報乏涓埃每逢星序之
新更輒蒙 雲施之廣被茲屆端陽令節復分內府靈丹製在天

中秘馥勝龍宮之劑 頒來日下氤氳帶 整禁之香欽承彌

切乎葵傾榮寵更逾於 賜葛 臣惟有敬禮節宣之義勤求修守

之方推 聖澤於無涯共沾 化育冀安瀾之有慶稍答 恩慈

所有感激下忱理合繕摺謝

恩云云只就舊存前任謝摺略為

刪潤而成並非自出機軸也農師分賜藥錠一串

廿三日申刻出至礪堂廡小坐即往裴舟新廡本為望其次郎君疾至則已溘然矣韶年露夭殊可惋惜惟以東門吳之達觀勸慰而翁而已略坐即回

廿六日申刻與同幕方王王朱廖偕赴礪堂招飲之約席為洗塵而設方君為客子等皆旅也酒肴甚精漏二下回署是日未刻子高三弟始杭州踈一揖後即外出未及細談

廿七子高三弟自杭回署相見甚喜所託贖物無貲代售贈以葉扇一烟筒一龍井茶一色毛底鞋二對

廿九日李升隨夏表叔自家京回家枉道至此取貲駐車在中山店以待
恰值無貲在篋此間無可計設因往商之礪堂承滙清江二百金
在彼取去帶回此間付還作伊用度一舉而兩得矣馬是日周宜
亭司馬來署小住

五月初一日

初二日作升家字五號家信交李陞帶回并滙曹平紋銀二百兩又
寄五金與芸舅作三兒束脩寄小銀四枚香珠一串與內子寄八
金與羅姨及劉李二妾均與書接眷之舉定於八月初間令李
陞云伯送阿劉小同鈺兒等來此九月半後抵濟予亦自廟二四
矣諸凡賃屋置什物等事皆託裝舟料理必然妥協也子通子

容子高各送長孫式金錦襖銀釧等物均交帶回

初三日專差余慶玉至下北廐與申張二君書

初五日重午節農師設筵款幕中人演劇於二堂漏下始散

初六日介生自曹河回濟仍住西關申刻往眎之

十五日送農師往韓莊會同琦撫軍履勘微山湖蓄水京控一案

申刻礪堂邀飲偕菊秋二君同往漏二下始回仇池石自杭來署

十七日介生招飲預者秋菊裴三君及礪堂也

十八日仍偕昨集諸君早飯於鄭邸晡時同往裴舟新寓平視其
新聘之妾所謂來姑娘者一揖而罷各有評騭主人無所聞也晚
食湯餅即新人手作飽餐而回是日程文莪偕姜小筠自淮抵

署池石自桐堂移住此院與裴舟對戶仇為澹生十一兄之婦翁送女
往北直經此而留得讀其滇南諸稿風雅詩人也申刻余慶自下北
回持張申手書僅來二百金即以一百金還礪堂留一百以開發
零星大不足于用據言蘭工再楚當不悞耳

二十日接農師於二堂

廿一日子通以有得五古索和依韻奉荅錄此我笑摯仲洽章章別
文字我笑阮元瑜翩翩就書記為此鐙下焦爭竭囊底智譬如
匏瓜繫即且不離次又如果愚懷抑塞無復思幸哉羊裘光猶是
狗監意滄漪相與結汪洋時一恣璣鏡各照心珠船或酬義淵源
出禮堂玉友亦同志黃花逸客情儻白石雅人致池石傾蓋無故新結

交皆全异碌碌雁鷺行一任戲車戲作作驚龍文且須秘苑秘勉
旃無毋多談衣裳方在笥

廿三日農師設筵為莪文洗塵飲於桐堂院中露坐就涼劇飲甚歡坐
中解音律如菊儂池石小軒渭濱小筠諸君皆引喉度曲并命僮從
之妙于聲者亦各獻能焉飲至漏三下始散

廿七日再疊前韵示子通錄此人言挽強弓不如識丁字乃有百萬兵
數以羊矢計記學通天人斯曰正偏智若徒守一編窮年兀排次
何异曹與李昏昏没神思浩然發長嘯揮綽鍊如意仰叫閭闔
開雲雷供睢恣咳唾邁廬間拾取皆仁義瞪目見青矚捫骨
得紫志古之振奇人聰明無二致鴻鵠凌高穹本與燕雀异刷

剔腹背毛下眇蟲戲絨石自謂珍貯枕何足秘且將免園冊束
傳置一筭

初六月初一日作升字六魏家信交孫福帶至杭州託高四伯轉寄

初二日戌刻送農師往河南防大汛先隨往者程方王王四君并周宜高
司馬亦偕行予與菊儂渭濱小筠因車輛不足遲數日動身上燈後
因受暑忽發熱頭岑岑然即就枕卧徹夜夢魂震撼不安之至蒙被
取汗至次日巳牌少舒焉

初三日請姜小筠診之服藥發散午後覺熱退亥戌之交小可矣

初四日巳刻起病已全可接到官字四魏家信奉老母手諭大小均平
安唯愛妾阿劉於三月初間忽患脾泄之疾遷延至四月下旬據言

肌肉減盡陰火上升延請醫生如葉丙元諸君診視俱言疾危須
過了五月方望起死得生也此妻子所愛聰敏知大義方藉之為選
室之助將來佐理內政者心甚念之唯祝其有瘳乃慰我衾裯之思
若如家信所言倘有不起之憂將若之何路遠信阻愁腸輪轉予
本達人亦反側終宵也

初五日早發升字七號家信即細稟阿劉之事急望痊音以解旅悶借
韓巡捕官封遞至永嘉令徐公處轉交封上加緊一月可到昨信亦
由徐封遞來三十七日可到此後有吉祥無事之回音速郵早得
則慰甚矣託裴舟葉紀持河劉年甲往問星家言疾不至死菊
儂金紀亦能推算亦言無妨尚可相見心乃稍寬也得即墨蔡

蘭臞書

初七日同人醵筵為瘦山補作生日飲至漏下始散

初八日聞者來告車馬已備將於夜間啟行傍晚大雨如注改於翌晨丑寅之交復大雨

初九日已刻天霽淨也亦少乾遂與姜朱沈三君同起身出西門至草橋關過河行二十五里至河口宿

初十日饋野坊廟住張奉

十一日饋冉垌住曹縣

十二日饋舊考城午後行十許里即上堤路至兵三堡訪趙少莪不過已於數日前往汴城即其邸舍小坐食瓜解渴隨即趨程因里鋪太

長直至漏下三點始至曹考通判衙署晤雍竹香別駕并劉漪亭
二尹孫海門少尉皆派在此防大汛兼晤吳陳夏周諸君

十三日筠亭通守留任一日即飭發行李僮從先至廟工安頓余與
三君暫違一日之署以當六月之息主人款之頗極豐敬午後偕
菊儂與夏仲坪吳二兄濮二兄散步野店尋覓花枝見貴福四
喜等皆女伶也度曲娛賓亦復適耳解衣磅礴食瓜解暑僕僕
熱塵中得少佳趣殊覺豁然一爽

十四日午刻到廟工行館見我文秋濤及馨吾別駕農師巡歷上游尚
未回也安席於西南屋即舊歲所居與菊儂連舍小筠涓濱對房
十五日往晤墨龕家文及廳署諸君并晤个生及曼雲時同居風

神廟盛蘭溪適亦在彼舊雨乍逢亦殊快慰晚餐後偕蘭雲散步金方即訪朗山吳小筠時亦偕行小坐啜茗略聆檀槽並見豐城二客仍申秋諾以補墜歡漏下數點諮烟挹露而歸

十六日晨起我丈來坐言濟寧有急耗子容以暴疾殉故矣予等啟程起時子容微恙前一二日腹微作楚燥結不遺並非不起之症忽傳此音疑賊之至隨見閭人稟札乃以陰症服涼劑驟厥而逝死耗非虛韶年露天對此茫茫不禁涕如縻綆也

十七日接農師於前墀隨入內館偕諸君共相慰藉悵悵無言小坐而出

十八日錢叔美杜自宛城來此小住東生學士之弟也妙於六法有名

於時年已六旬子身無妻子以誦席為生計依其姓理坐以居東
生第二子余亦素識之此來乃農師所約也是日得子通池石信
廿二日蔣伯生因培自濟來此農師之舅也毘陵老名士作吏有能聲
曾令山左泰安 河等邑緣事戍邊緩贖而歸談吐間頗覺小
異似豪氣尚未除也作書荅子通池石

廿三日至廿七日均預意錢之戲以遣如年之日在局者蔣錢申周方王
諸君借此為府主排悶也耳探帽叫絕他人或有素彥道之豪繞
床續聲予輩亦非鄭鮮之之佞聊以巧注酬應賓筵亦復小耗
么錢壯貝也

廿七日未刻與申別駕旅送農師于中壩往下游踈隄一帶巡勘土

工約七八日方回旆是日携肴袖管往訪金子錙壇露坐斗室烟
語排遣旅情聊復尔尔亦朋友之閑趣也

七月初一日再荅子通書

初二日申刻往訪墨龕司馬即就晚餐菊儂續至仲甫預坐終席皆
書畫之文談也

初五日巳刻農師自下游查工回館午後得官字五號家信阿劉竟
於四月廿八日巳時死矣年僅二十三素所寵愛方將取束旅館以待
衣裳誰知數月不及待而露夭也痛惜之懷一時殊難解釋信中
慈親手諭身後一切從厚少慰此心遺子小同予之所愛前札已稟
堂上親自撫育唯望成立以慰逝者于旦宅餘事即當作稟細詢也

初六日作升字八魏家信并與芸舅書由韓紫堂加封至永嘉徐公處轉交

十三日戌刻送蒼師往沁河會同豫撫查閱民墾漫缺約旬日方得回轅

十四日與菊儂夕飲於墨文衙坐

十五日晡時小步金方躄饌於竹君寓漏下仍有美成香橙之咏聊抒旅悶以散閑遊愁

十六至十九數日均在東館與錢林美王定夫蔣伯中作由吾之戲合得精鏐十流足以補償前負焉

二十日巳刻接裝于內墀自沁工回也午後方在東館為茂蓮葉子

戲府公來溷仍易為意錢小局更許乃散

廿一日申刻至个生寓見雍筠亭及劉二尹奚湘榘晚食于彼即回

廿二日錢叔美王定夫各辭歸不及送別託為事冗以掩壩焉

廿四日與方王姜諸君同借車往榆里集邸舍回看鄭別駕文軒乃

林少穆廉訪之妻兄自南河迴避來豫東候補者

八月初一日送蔣伯生回濟寧

初三日夜不寐寅刻出至廟前站班伺候農師祭神踈館與幕中

諸君同進內謁賀以初四日為白露節安瀾也

初四日觀劇於館側西偏屋斜對神祠唱演報賽班為豫省回安慶
小戲皆十二三歲脚色中有如意吉祥全福同壽等色藝均可較

勝於濟城之參軍蒼鷗也申刻飲於內館凡兩席同人皆預焉侑觴者為如意吉祥飲至漏二下始散

初五日至初八日日日觀劇間出至風神廟與于邗山雅談前曹考吳別駕茂楠服闋來工始識之老練人也

初十日 萬壽節隨同行禮寅刻即起與同班諸君於廟門接伺排班院道二憲於東偏官廳中坐班餘皆散列焉

十五日同幕人飲於內館外來客有鄭文軒別駕酒酣能音者各度曲主客皆大醉散席時月將中矣

十六日沈小岩邑丞辭回南河

十七日送農師往下游一帶查工是日小步野外即回至道館與个生

曼雲作葉子戲散時夜漏四下矣

十九日接七月初四日家信係九舅舅所寄知六月十二日正益回家所寄二百金已收到矣信中言老妻於五月間病甚劇幾至不測幸服藥漸痊須吃葎朮屬寄貲以供補劑之費年下當多措以應所需也

九月初一日未刻送農師由南岸臨沁二約十許日方得旋轅也
初三日與菊儂至下北河署小坐而歸

初五日接到官字九號家信七月廿八日所寄并三妹書家信中言定於九月初三日命正益送二兒出來前已有書止之緩來至明春來濟且俟復音再定耳

初六日往曹考望雍竹香別駕并訪寧皆山同班時劉漪亭二尹孫
海門少尉薩竹泉主簿皆在彼防汛晤言甚歡个生亦偕來小叙
談至夜分始各就枕个生未明即回廟工予小住焉

初七在曹考

初八在曹考

初九日回廟工行館

十一日農師自沁工回館與申通守旅接于門內墀間

十七日農師延請幕中人演劇設筵飲至夜分始散

廿一日霜降節寅刻起與同人站班於惠安觀隨與幕中諸君謁
賀於廳堂畢少睡即收拾行裝於巳刻起程回泮是夕住曹攷廳

官署

廿二日尖曹考兵十三堡住曹縣

廿三日尖冉垆住張奉

廿四日尖河口申刻到泲署晤諸同人甚愜渴懷惟菜羹遍插中

少一人為懷悒難忘耳

廿五

廿六

廿七

廿八日寫家信并與九舅舅信交韓大兄用官封寄至永嘉徐公

處轉付

十月初一日

初二

初三

初五

初八日作升字十一號并紋銀二百二十一兩交朱王二兄帶至常州
朱處存貯俟家中專人到常來取

初九日作謝賞

幸至

堂賜十五老臣宴賡歌圖繪以彰盛事

御筆墨刻一卷摺錄此欽惟我

皇上軒紀承庥箕疇建福

一人有慶欣逢祝嘏之

昌期云壽作明

特啟者英之嘉會合五

臣十人而佐治際更盛於虞周念九功六儉之寅勤謨並諧于臯

益親賢胥承于 考澤內外交贊乎 皇猷 帝庸作歌省成
美熙工之績人惟求舊審象圖賡弼之良麟閣雲臺未足方斯
曠典 龍章天藻何幸預此隆施 奎文煥曜於星雲榮光增輝
於河洛向傾葵藿願矢微臣介 壽之忱 化廣菁莪請陳 聖
主得賢之頌云云

十四日發升字十二號信十五十六兩日演劇賀周宜亭

十八日周宜亭回請河台及同人演劇于二堂二鼓散後知二兒學鈺
自家來已到矣

十九日鈺兒來省得 堂上手諭及諸親友信朱內兄陳李二妹文家
商山越英渠英二舅氏蔣邦寧等均有書即日華谷大弟為言

於農師命鈺兒移入署中居住與裴舟兄對房隨侍在此易於
管束惟父子俱居代舍未免過擾邛厨紅感之餘轉懷愧慙也
廿六日送農師往泲河屬查工并至江南徐州蘭家山坎約十許日
方回也發升字十三號家信

廿八日聞沈會東通守自京回泲特往謁之託帶皮靴二隻即承為
惠矣是夕飲

廿九飲劉漪亭二尹家宿西關張邸

十一月初一日夕飲於薩竹泉六兄家在席者沈鄭錢三通守予及个
生漪亭也

初三日接農師於二堂自蘭坎回也委作周又山夫人王六十壽文方

雲室轉承王懷川之屬辭之不得亦好作草率課亦須三日工夫耳

十二日作升字十四號家信張羅得百金貸于華谷五十自質衣得五十千合以寄作年內之用并前存朱處者二百命貞一阿松持回二僕即送鈺兒來者抵家時已在嘉平末旬矣并寄與朱芝庭陳李李三妹丈越渠二舅氏徐大兄三兄徐茂郎兄陳汝榮兄家芝田及二房皓叔相等信又寄古柏堂頌以壽婦母李太孺人許寄者已三年矣寄阿膠四斤舊衣四件菜果等三四種用以分致親友見意而已

十九日午後項先直親家自京南回過泐相視并與張蕩洲兄全來